

左

通

補

釋

補釋二起桓公元年
盡十八年

左通一

錢塘梁履繩學

元桓鄭伯以璧假許田

在今河南許州府今改州治東境公羊云田多邑少稱田邑多田少稱邑大事表
七之一案魯頌云居常與許卽此

公及鄭伯盟于越解越近垂地名垂衛
地也

越當在山東曹州府曹縣附近大事表
七之二

宋華父督解宋戴公孫也

宋公孫督字華父爾雅釋詁督正也左氏僖十二年傳謂督不忘杜注云督正也考工記匠人掌涂十有二分鄭注云分其督旁之脩正義云名中央爲督督者所以督率兩

旁晉語衣之偏袞之衣韋注云袞在中左右異色故曰偏
袞袞督古字通周禮夏官形方氏掌制邦國之地域而正
其封疆無有華離之地鄭注云華讀爲孤哨之孤正之使
不孤邪離絕周秦名字解故上

美而豔解色美曰豔

容色豐滿也

說文豔字繫傳

會于稷解宋地

稷在河南歸德府商丘縣境

春秋輿圖

曲阜孔氏廣栻曰晉

齊楚並有稷見宣十五年昭十年定五年

以郜大鼎賂公

解濟陰成武縣東南有北郜城

郜氏周文王第十一子聃季之弟子爵

通志氏族略二

案僖二十

年郜子來朝杜注郜姬姓國孔疏曰二十四年傳富辰所云聯季之弟文王之子惟此年一見無時君謚號不知誰滅之今曹州府城武縣東南二十里有郜城春秋地名
攷略十三

案孔氏不知北郜誰滅而路史國名紀云北郜宋并之蓋因宋賂郜鼎而爲此說或以地近宋之南郜故終無確證餘見隱十年入郜下

大路越席解越席結草

服虔曰越席結括草以爲席也王肅曰不緣也

史記禮書
裴駰集解

案括草蒲草越戶括反又正義越卽麻紵焦穢黃草之屬後

漢書世祖嘗敕會稽獻越布卽此

讀左日
鈔一

粢食不鑿解不精鑿

召旻箋云米之率糲十粺九鑿八侍御七九章算術粟一

神釋二十一

二

石爲糲米六斗春糲一斗爲粺九升又春爲鑿則八升

案釋

文引字林云糲米一斛春爲八斗是也

又春爲侍御則七升左傳云粢食不

鑿昭其儉也則不儉者有用鑿之處郊天尊於宗廟其祭

或當用之

詩生民正義

九章粟米之法云粟率五十糲米三十

粺二十七鑿二十四

案本傳正義曰九章算術粟率五十五四言粟五斗爲米二斗四升

御二十一言粟五升爲糲米三升以下則米漸細故數益少四種之米皆以三約之得此數也

詩召旻正義

袞冕黻斑解玉笏

珽之言挺然無所屈也或謂之大圭長三尺杼上終葵首終葵首者於杼上又廣其首方如椎頭是謂無所屈後則

恆直相玉書曰珽玉六寸明白炤

禮記玉藻注

衡紵絃綻解絃纓從下而上者

冕曰絃絳纓之無綏者也從下而上不結

國語魯語下注

錫鸞和鈴解鸞在鑣

異義載禮戴毛氏二說

詩駟驥正義曰經解注引韓詩內傳篇文與韓詩說同故鄭依用之蓼蕭傳曰鸞在衡和在軾又大戴禮保

傳曰在軾曰和在鑣曰鸞箋不易之

謹案云經無明文

且殷周或異

見駟驥正義

廣林案周禮大駕注與禮戴說同而

箋詩鸞鑣又云置鸞於鑣異於乘車是鄭謂周乘車田車

鸞各異矣至商頌烈祖箋則乘車亦鸞在鑣彼正義云經

無正文而殷周或異故從舊說以示不敢質也此鄭同許

君之義然攷之於經毛詩說爲是鑣馬衡也鸞在鑣兩口

角各一四馬凡八故詩每稱八鸞若在衡則八無取義

孔廣

林五經異義駁錄存

案本傳正義亦從毛說廣林氏足與發明故

復采之史記禮書集解引服虔曰鸞在鑣和在衡杜氏本

之而東萊呂氏讀詩記引韓詩說在軛曰和在軛曰鸞與

諸說又異蓋衡軛相連稍變其文無足取也

經解注引內傳作鸞在衡

此作軛或
傳寫有誤

三辰旛旗昭其明也解三辰日月星也畫於旛旗象天之明

三辰旛旗服氏注云九旛之總名

案本傳正義用之特旛作旗

三辰謂

日月星孔君尚書傳亦云畫日月星於衣服旛旗鄭注司

服亦云王者相變至周而以日月星辰畫於旛旗所謂三

辰旛旗昭其明也

儀禮韻疏

遷九鼎于雒邑卽今河南城也

今河南府洛陽縣城內西偏卽王城故址

大事表
七之一

義士猶或非之解蓋夷齊之屬

正義
伯夷叔齊云云

伯夷姓墨

案史記索隱引應劭云其君姓墨胎氏

名允字公信孤竹君之子

伯長也夷謚一本名元叔齊名智

案索隱云名致字公達案路史炎帝紀

陸德明論

下注作公遠伯夷之弟齊亦謚也夷齊名見春秋少陽篇

文語釋文

周內史解周大夫官也

莊三十二年有神降于莘王問諸內史過僖十六年隕石于宋五六鶴退飛過宋都周內史叔興聘于宋宋襄公問曰吉凶焉在觀此則內史亦掌占候吉凶之事蓋太史之

屬也案周太史見莊十二年哀六年僖二十八年王命內史叔興父策命晉侯爲侯伯案周禮內史職曰凡命諸侯及孤卿大夫則策命之鄭司農引此傳爲證文元年王使內史叔服來會葬襄十年晉滅逼陽使周內史選其族嗣納諸霍人杜臼內史掌爵祿廢置者大事表十

杞侯隱四年解杞國本都陳畱雍丘縣

案晉志屬陳畱國

桓六年淳于公亡國杞似并之遷都淳于僖十四年又遷緣陵襄二十九年晉人城杞之淳于杞又遷都淳于

杞國于雍丘今河南開封府杞縣成公遷緣陵在今山東青州府昌樂縣東南五十里文公遷淳于在今青州府安丘縣東北三十里其雍丘之地不知何年入于宋案宋雍丘見哀

九年 大
事表五

會於鄧始懼楚也 解穎川召陵縣西南有鄧城案正義引釋例爲蔡地
楚國今南郡江陵縣北紀南城也

成九年鄭伯會楚公子成于鄧案桓二年蔡侯鄭伯會于鄧穀梁傳曰鄧某地不知其國公羊傳曰鄧與會爾又賈逵服虔並以鄧爲國而正義駁之詳見本年經下昭十三年楚蔡

公召子干子晳會于鄧杜注與此同推知桓二成九兩會皆在此矣戰國時楚懷王伐秦敗于藍田韓魏聞之襲楚至鄧卽此今河南許州郾城縣東南三十五里有鄧襄城春秋地名攷略九 楚國于丹陽在今湖廣今湖 宜昌府歸州東南七里武王遷郢今荊州府城北十里紀南城是昭王遷都

旋還郢

大事表五

案杜氏春秋釋例以鄧爲蔡地據成九年

傳則鄧已屬楚特未詳何年言地理者并將此年之鄧亦指爲楚地非也蔡鄭方懼而會謀焉有入楚地之理或依賈服以鄧爲國都鄧雖楚之昏姻而楚於此時已萌吞并之意觀莊六年傳可見蔡鄭往與鄧密謀亦未可知

以條之役生大子命之曰仇解條晉地大子文侯也

舊以直隸河間府景州有古條爲晉條地漢周亞夫所封

案說本方以智通雅地輿今案其地太遠穆侯時疆土疑不到此今山

西解州安邑縣有中條山縣北三十里有鳴條岡孟子曰

奔卒於鳴條尚書大傳湯伐桀戰於鳴條此爲晉之條地

當近是

大事表七之三

左傳以文侯名仇今呼曰義和知是字也

鄭玄讀義爲儀儀仇皆訓匹也故名仇字儀古人名字不可皆令相配不然也

書文侯之命正義

夫名以制義義以出禮禮以體政政以正民解名之必可言也禮從義出政以禮成

師古曰先制義理然後立名義理既定禮由之出政以禮成俗所以正

漢書五行志中之上注

嘉耦曰妃怨耦曰仇古之命也

解

自古有此言

說文於述字下引虞書曰勗述孱功又曰怨匹曰述然則出於虞書今亡矣

洪邁容齋二筆六

靖侯之孫欒賓

正義

史記晉世家

此人之後遂爲欒氏蓋其父字欒

靖侯庶孫欒賓

史記晉世家

世本云欒叔賓父也

又正義

士有隸子弟解士卑自以其子弟爲僕隸祿不足以及宗是其有

隸子弟也

儀禮師夕禮疏

哀侯侵陘庭之田解陘庭翼南鄙邑

今山西平陽府翼城縣東南七十五里有熒庭城志云卽陘庭也襄二十三年齊侯伐晉張武軍於熒庭卽此

大事表七

桓韓萬解莊伯弟也

韓武子食采于韓原

案此本史記韓世家因史記與傳記稍異故不采漢書地理志下桓

叔生子萬受韓以爲大夫是爲韓萬

國語八注晉書韓古韓國春秋

秋前晉文侯二十一年滅韓

案滅韓見作書

後爲韓萬封邑亦曰

韓原

案韓原見僖十五年大事表七之三

梁弘

案梁弘一見桓三年一見僖三十三年相距八十三年當非一人

孔氏世族譜補

逐翼侯于汾隰解汾水邊

汾隰史記作汾蕩蓋翼地之近汾者

春秋地名攷略四

案地近

汾水卽以汾隰爲名如渭汭睢澨之屬竹書云晉人敗北戎于汾隰是也

及欒共叔解欒賓之子也

欒共子晉哀侯大夫共叔成也

國語晉語一注

會于嬴解齊邑今泰山嬴縣

張雲璈曰哀十一年會吳伐齊克博至嬴卽此案孟子止於嬴是也

漢置縣屬泰山今泰安縣東五十里有嬴城案縣志云水經注曰汶水出萊蕪原山西南過嬴縣南計原山至泰安百餘里何獨不詳所經且嬴博奉高三邑相距皆在三十里內萊蕪北不置一縣亦非漢時牙錯棊置之制且從征記曰嬴縣西六十里有季札兒冢而札葬其子於嬴博之間今嬴距博三十餘里安得其西六十里爲嬴博之間乎則嬴城應在萊蕪此城宜爲奉高城水經注所云西南逕奉高縣故城也又案讀史方輿紀要嬴城在泰安州東南五十里後魏移置於廢萊蕪城卽今萊蕪縣治則是北魏以前嬴在泰安北魏以後嬴在萊蕪

晉命于蒲解衛地在陳畱長垣縣西南

衛蒲今直隸大名府長垣縣治春秋與圖蒲有二桓三年晉命于蒲成九年盟于蒲衛地也莊二十八年重耳居蒲晉地

也

春秋分記疆理書十一

秋七月壬辰朔日有食之既

壬申歲

姜岌以爲是歲七月癸亥朔無壬辰亦失閏其八月壬辰朔去交分入食限大衍與姜岌合以今歷推之是歲八月壬辰朔加時在晝食六分一十四秒

元見歷志二

芮伯萬解芮國在馮翊臨晉縣

芮在今陝西同州府城南大事表五芮氏伯爵周同姓之國司徒芮伯之後也

見書顧命傳

其後有芮伯萬爲晉所滅

通志氏族略二

案正義云芮不知誰滅之史記秦本紀繆公二十年秦滅梁芮孔氏不據以爲說何也路史亦依史記蓋芮介居秦晉之間屢被秦兵其爲秦所滅無疑通志疏謬不足取信

出居于魏解魏國河東河北縣

地理志河東北縣古魏國地記亦以爲然服虔云在蒲坂

非案讀史方輿紀要云魏山西蒲州解縣東南百二十里永樂城是此用服說史記音系家索隱魏今

山西解州芮城縣東北七里有古魏城

大事表五

周宰渠伯糾解渠氏伯糾名也

渠周邑昭二十六年劉子以王出次于渠然則伯糾蓋氏于邑者

惠氏補注一

桓

王奪鄭伯政解奪不使知王政

至是并奪其在卿士之職

義門書記讀

爲魚麗之陳先偏後伍伍承彌縫解司馬法車戰二十五乘爲偏以車居前以伍次之承偏之隙而彌縫闕漏也五人爲伍此蓋魚麗陳法

魚麗者魚入其中不能出也詩魚麗于畱陳名取此

讀左日鈔

一昔周伐鄭鄭爲魚麗之陳先偏後伍伍承彌縫邲之戰

楚君之戎分爲二廣廣有一卒卒偏之

兩宣十

楚巫臣使

於吳以兩之一卒適吳舍偏兩之一焉

成七

考之周禮五伍

爲兩四兩爲卒司馬法二十五人爲兩百人爲卒卒兩則

人也偏則車也杜預以十五乘爲大偏九乘爲小偏其尤

大者又有二十五乘之偏則鄭魚麗之偏二十五乘之偏也楚二廣之偏十五乘之偏也巫臣所舍之偏九乘之偏也先偏後伍伍從其偏也卒偏之兩兩從其偏也先其車足以當敵後其人足以待變則古者車戰之法略可知也

禮書一百

三十九

戰于繻葛解繻葛鄭地

繻葛或云卽長葛也

長葛已詳見隱五年

春秋地名攷略六

仍叔之子解仍叔天子之大夫稱仍叔之子

雲漢序云仍叔箋引桓五年仍叔之子來聘春秋時趙氏世稱孟智氏世稱伯仍氏或亦世字叔也自桓五年上距宣王之卒七十六歲若當初年則百二十年矣引之以證

仍叔是周大夫耳未必是一人也

詩節南山正義

案困學紀聞

三云家父仍叔二雅舊人歷汾王之亂平王之遷猶在家

見桓八年其未考及年月耶何焯氏卽據此疏駁之良是

秋大雩書不時也凡祀啟蟄而郊龍見而雩始殺而嘗閉蟄而烝解啟蟄夏正建寅之月祀天南郊龍見建巳之月蒼龍宿之體昏見東方萬物始盛待雨而大故祭天遠爲百穀祈膏雨建酉之月陰氣始殺嘉穀始熟故薦嘗於宗廟建亥之月昆蟲閉戶萬物皆成可薦者衆故烝祭宗廟

三代正朔不同故一以節氣爲限

趙氏補注一

郊特牲云郊之

用辛也周之始郊日以至孔疏云魯之郊祭師說不同崔氏皇氏用王肅之說以魯冬至郊天至建寅之月又郊以

祈穀故左傳云啟蟄而郊又云郊祀后稷以祈農事

襄七是

二郊也若依鄭康成之說則異於此魯惟一郊不與天子

郊天同月轉卜三正故穀梁傳云魯以十二月下辛卜正

月上辛若不從則以正月下辛卜二月上辛若不從則以

二月下辛卜三月上辛若不從則止故或用建子之月郊

則此云日以至及宣三年正月郊牛之口傷是也或用建

寅之月則左傳云郊祀后稷以祈農事是也若杜預不信

禮記不取公羊穀梁魯唯有建寅郊天及龍見而雩愚案

鄭氏與王肅異杜氏又與兩家異論魯郊者祇當以杜氏

爲主

陸隴其讀
禮志疑二

淳于公如曹解淳于州國所都城陽淳于縣也曹國今濟陰

定陶縣正義世本州國姜姓

故夏后氏之封灌國也周武王以封淳于公號曰淳于國
酈道元水經注

水道元水

州國于淳于在今山東青州府安丘縣東北三

十里曹國于陶丘今曹州府定陶縣

大事表五

桓楚武王侵隨解隨國今義陽隨縣

隨湖廣

今湖北

德安府隨州是

讀史方輿紀要一

使薳章求成焉

解

薳章楚大夫

薳氏芊姓也薳冒生薳章者王子無鉤也

案鉤字舊譌作釣元和姓纂引

謂夫論云薳冒生薳章爲王子無鉤氏通志氏族略引潛夫論同唐書宰相世系表亦云王子薳章字無鉤

潛夫論志氏薳氏亦作薳芊姓楚蚡冒之後薳章食邑于薳故以

命氏案楚有地名薳又有薳澨則知薳爲楚邑矣

案薳見舊二十一

七年薳達見昭二十三年通志氏族略三

軍於瑕以待之解瑕隨地

桓六年楚師軍於瑕隨地也僖三十年許君焦瑕晉二邑也在河南成十六年楚師還及瑕楚地也今亳州蒙城縣

春秋分記疆理書十一案周有瑕見昭二十四年

鬪伯比解楚大夫令尹子文之父

鬪氏芊姓若敖之後案若敖名熊義其先無字鬪者必邑也其地未詳通志氏族略三若敖生四子曰廉桓莊十曰緒莊八曰祁

四曰伯比春秋分記世譜七

吾不得志於漢東也

釋例漢水出武都至江夏入江見入年疏武都今陝西寧羌州

案州屬漢中府

江夏今湖廣江夏縣

案縣屬湖北武昌府日講春秋解義六

熊率且比

解楚大夫

複姓左傳楚大夫熊率且比

廣韻熊字注

故奉牲以告曰

周禮充人曰碩牲則贊是也

惠氏補注一

博碩肥腯謂民力之普存也謂其畜之碩大蕃滋也謂其不疾癩蠡也謂其備腯咸有也

傳言善於治民不妄勞役民之畜產無疾故祭祀之牲得肥

詩我將正義

素粢豐盛

言爲穀則絜清在器則豐滿

詩甫田正義

會于成解成魯地在泰山鉅平縣東南

成在今兗州府寧陽縣東北九十里莊三十年次于成備齊也襄十五年齊人圍成公救成于是城成郛後爲孟氏邑定十二年仲由爲季氏宰將墮成公斂處父曰墮成齊人必至于北門是魯之北境近齊之邑大事表
七之一

北戎伐齊齊使乞師于鄭

以鄭嘗大敗戎師故

義門讀書記

固辭

固之言如故也言如故辭者重辭也

禮記投壺注

大閱簡車馬也解此不言地者蓋在國簡閱

春秋傳曰大閱簡車馬也具數一一數之也今人言伐閱

謂歷數其門中之功伐也

說文閔字繫傳

比年簡徒謂之蒐

昭八

年簡車謂之大閱五年大簡車徒謂之大蒐

定十四公羊桓六年傳

注賈注經云簡車馬于廟也

又疏

九月丁卯子同生

風俗通曰不舉父同月子俗云妨父也謹案左氏傳桓公

之子與父同月生因名子同漢明帝亦與光武同月生

太平

御覽入事部二

魯桓公六年九月莊公生今案長歷莊公生當乙

亥之歲建申之月

案於周公六年乙亥九月甲辰大丁卯二十四日

以此推之莊公乃當祿之空亡依祿命書法合貧賤又

犯勾絞六害背驛馬生身剋驛馬三刑當此生者並無官

爵火命七月生當病鄉爲人尪弱身合絳陋今案齊詩譏

莊公猗嗟昌兮頤而長兮美目揚兮巧趨踰兮唯有向命
一條法當長壽依檢春秋莊公薨時計年四十五矣此則
祿命不驗一也

杜佑通典
禮六十五

卜士負之士妻食之

正義

內則又云卜士之妻大夫之妾使

食子

皇氏云士之妻大夫之妾者隨課用一人故左傳云卜士
負之士妻食之不云有大夫妾文略也

禮記內則正義

取於物爲假解若伯魚生人有饋之魚因名之曰鯉

取於物爲假若宋公名杵臼也

案宋昭公名見文十六年王充論衡詰術篇

不以隱疾解辟不祥也

戴章甫云爲其名稱不雅耳非獨辟不祥也

陸粲左傳附注一案

宣二年晉使趙穿迎公子黑臀於周而立之昭元年楚公子黑肱昭三十一年邾黑肱案鄭注止舉此兩名故孔氏不他引餘如黑肩黑背皆是得爲名或亦有由或亂世而不能如禮_{禮記曲禮上正義}

周人以諱事神名終將諱之釋文周人以諱事神名絕句衆家多以名字屬下句

周人以諱事神者謂周人諱神之名而事神其名終沒爲神之後將須諱之禮記曲禮上正義

宋以武公廢司空解武公名司空廢爲司城

冬官考工記匠人營國是司空主營城郭故知廢司空爲

司城禮記檀弓下正義

先君獻武廢二山解二山具教也

濟北國盧有敖山

續漢書 郡國志三

左傳曰先君獻武廢二山卽

敖山具山

又

敖山在今山東泰安府新泰縣東南十里具

山在敖山東南二十五里

春秋 輿圖

與吾同物解物類也謂同日

物謂六物歲時日月星辰是也

見昭七年

與桓公同日故云同

物古稱六物唐稱祿命

惠氏補注一

桓七穀伯鄧侯來朝解穀國在南鄉箕陽縣北二年正義鄧國義陽鄧縣是也正義世本鄧爲曼姓穀則不知何姓

穀氏嬴姓伯爵春秋穀伯綏之裔也

通志氏族略二

穀湖廣今湖北

襄陽府穀城縣

讀史方輿紀要一

桓七年穀伯綏來朝穀國也莊

七年夫人會齊侯于穀齊地也

春秋分記 疆理書十一

鄧氏曼姓商

之侯國

通志氏族略二今河南南陽府鄧州大事表五

王遷盟向之民于郊解郊王城

郊鄆卽郊山

案逸周書作雒解云南繫于洛水北因于郊山

北邙山也在河南府

洛陽縣城北二里亦謂之郊杜云郊王城知郊鄆卽王城

之別名矣

大事表七之一

曲沃伯誘晉小子侯殺之

解小子侯哀侯子

禮

記曲

生名之禮下

天子未除喪曰子小子生名之死亦名之

禮記曲生名之禮下

曰小子王死亦曰小子王也晉有小子侯是僭取於天子

號也

曲禮下注

是在喪而死猶呼爲小子侯也其應稱嗣子某

不得同天子

又正義

楚子合諸侯于沈鹿黃隨不會解沈鹿楚地

莊十九年解

黃嬴姓國今弋陽縣

沈鹿今湖廣今湖北安陸府鍾祥縣東六十里有鹿湖池深

不可測相傳有白鹿入此因名今涸爲腴

大事表七之四黃子

爵路史國紀二今河南光州西十二里有黃城

讀史方輿紀要一

餘

詳昭元年

楚子伐隨軍於漢淮之間

釋例

淮出義陽平氏縣桐柏山

淮水源出桐柏山在今河南南陽府桐柏縣東一里東南

接湖廣今湖北

德安府隨州隨州卽春秋時隨國正當漢之

東淮之南故曰軍於漢淮之間是時南陽之境猶未爲楚

有逮後文王縣中息封畛于汝則淮爲楚境內之水矣

彙纂曰楚軍於漢淮之間當在今德安府應山縣境

大事表八下

楚人上左君必左無與王遇且攻其右右無良焉必敗

范蠡曰凡陳之道益左以爲壯設右以爲牝春秋時楚伐

隨季梁曰右無良焉必敗偏敗衆乃攜蓋一陳之間必有

牝壯左右要當以吾強攻其弱耳

蘇洵權書上

戰國策

齊案此別見下

子復整其士卒與王遇高誘注遇敵也敵猶當也

案此別見下

文故少師以爲不當王

惠氏補

戰于速杞

解隨地

速杞當在今湖廣

今湖

應山縣境

日講

春義六

桓九巴子

解

巴國在巴郡江州縣

武王伐殷巴人助焉其人勇銳歌舞以臨殷郊後封爲巴

子

案事略見後漢書南蠻傳李吉甫元和郡縣志三十三

巴今四川重慶府附郭巴

縣是王氏曰夔州以西敘州以北皆古巴國地

讀史方輿紀要一

鄧南鄙鄖人解鄖在今鄧縣南沔水之北

漫姓鄧優

潛夫論
志氏姓

優鄧之分

曼

子爵鄖也楚并之

哀十八
路史表五

國名
紀四今湖廣

今湖

襄陽府城東北十二里有鄖城

大事
表五

梁伯荀侯賈伯解梁國在馮翊夏陽縣荀賈皆國名正義梁爲嬴姓世本荀賈皆姬姓晉大夫有荀氏賈氏蓋晉滅之以

賜大夫

梁氏伯益之後秦仲有功周平王封其少子康於夏陽梁

山

通志

氏族略二

左傳注

梁國

在馮翊

夏陽縣

邵芮曰

梁近秦而

幸焉是也

信

漢書地理志云

馮翊

夏陽縣

故少梁也

水經

注渠水乃曰大梁周梁伯之居也梁伯好土功大其城號

曰新里民疲而潰秦遂取焉後魏惠王自安邑徙都之是

誤以少梁爲大梁而不知大梁不近秦也後漢志河南尹

梁故國伯翳後注引博物記曰梁伯好土功今梁多有城

亦誤

日知錄三十一

案潛丘劄記補正日知錄曰案戰

梁伯氏注曰春秋秦取梁漢夏陽也河內有

梁周小邑也陳留浚儀大梁爲三皆魏地

梁今陝西同

州府韓城縣南二十二里有少梁城

大事表五

梁有二桓九年

梁伯伐曲沃梁國也哀四年楚人襲梁及霍蠻子邑也

春秋

分記彌理書十一

右扶風栒邑

漢書地理志上

應劭曰左氏傳曰畢原酆

郇文之昭也郇侯賈伯伐晉是也臣瓊曰汲郡古文晉武

公滅荀以賜大夫原氏黯是爲荀叔又云文公城荀然則

荀當在晉之境內不得在扶風界也今河東有荀城古荀

國又先儒皆謂荀卽郇考詩云郇伯勞之竹書昭王六年

賜郇伯命則郇爲伯爵自不同也

案詩下泉傳云郇伯郇侯也亦以郇與荀爲一

國逸周書王會解云天子南面立唐叔荀叔周公在左孔

晃云唐荀皆成王弟是郇爲文昭荀爲武穆又不同也孔

疏亦止云荀姬姓其爲兩國無疑今絳州

山西省東北二十

五里有臨汾故城是也

春秋地名攷略十三

賈氏伯爵康王封唐叔

虞少子公明於此同州有賈城卽其地或言河東臨汾有

賈鄉是也

案郡國志河東郡臨汾下引博物記曰有賈鄉賈伯邑或說本此今在絳州界爲晉所

滅遂以爲邑故晉之公族狐偃之子射姑食邑於賈謂之

賈季其後則以邑爲氏

通志氏族略二

賈今陝西同州府蒲城縣

西南十八里有賈城

大事表五

曹太子來朝賓之以上卿禮也享曹太子初獻樂奏而歎
服虔曰曹伯有故使其太子攝而朝曲禮曰諸侯之嫡子
攝其君未誓於天子則以皮帛繼子男如諸侯之上卿之
禮也上卿出入三積食三牢奉二牢一享一食宴之也初
獻酒如獻爵樂奏人上堂也初獻爵樂奏太子歎而哀樂
也

太平御覽皇親部十二

施父解魯大夫

施氏姬姓魯惠公之子公子尾字施父其子因以爲氏通志
氏族略三施施長尾垂貌也旗貌謂之旛施言其尾下垂旛施
然也說文施旗貌旛旗之旛施案旛施之爲言委蛇也楚
辭離騷載雲旗之委蛇焦氏易林大壯之鼎長尾踐蹠師

之咸長尾蠻蛇古字並通周秦名字故上案齊語韋注云施伯施父之子成十一年有施孝叔是其後也讀左日鈔云禮記有少施氏孟子有孟施舍卽此施氏也趙注孟子以施爲發語辭誤

桓號仲解王卿士

虢公林父亦曰虢仲

高士奇春秋左傳姓名異攷一

虢公出奔虞解虞國在河東大陽縣

周武王克殷求太伯仲雍之後得周章周章已君吳因而

封之乃封周章弟虞仲於周之北故夏虛是爲虞仲列爲

諸侯

史記世家吳

虞今山西解州平陸縣東北四十五里有虞

城

大事表五

詳見僖五年駁證

故虞公出奔共池解地名闕

今山西平陸縣西有共池志云虞公出奔地

日講春秋解義七

案春秋地名攷略引山海經云薄山之首曰甘棗之山共水出焉穆天子傳曰南登于薄山寘輪之墮謂之虞阪卽顚輪阪也共池或卽共水矣寰宇記薄山在芮城縣北十里履繩謂芮城屬解州與平陸接壤其爲共水無疑大事表云地在平陸縣西四十里許是也

桓十 楚屈瑕將盟貳軫解二國名

楚武王生子瑕受屈爲客卿因以爲氏

楚辭離騷王逸注

貳氏或

言姬姓在隨州南軫國在楚之東

通志族略二

貳軫少昊後偃

姓國

路史名紀二

貳在今湖廣

今湖

德安府應山縣境軫在今

德安府應城縣西

大事表五

案鄭樵氏以貳軫爲周不得姓

之國綏亦未詳其受姓羅泌皆謂偃姓不知所據姑采以俟考

鄖人軍於蒲騷解鄖國在江夏雲杜縣東南有鄖城蒲騷鄖邑

鄖子別有四其一鄖國子爵高陽氏後古鄖子國其一楚

滅鄖封其臣鬪辛爲鄖公是爲鄖國

昭十四

案鬪辛前已有鄖公鍾儀見成

七年不得以爲之國見周語韋注而通志蓋嬴熊通用宣八年經嬴氏公穀並作熊氏

其一嬴姓祝融之後封於羅號妘子

案羅熊姓

通典云周時諸國地可攷者荊州則楚夔邵黃鄖由麋文

十年傳作麇羅巴穀隨權郡十三國邵與鄖並載則邵自爲一

國路史國名紀列鄖爲高陽後復列鄖爲少昊後左傳稱

鄖夫人是也鬪辛所封據漢書地理志竟陵楚陵注云

水經注

汙水中注云中口木西有竟陵

及汙陽縣志云

鄖在景陵

鄉大城古鄖國也鄖公辛所治

有鄖

在今景陵古羅國今枝江地案縣屬湖

北荊州府

去鄖絕遠亦號

妘者大抵如僉僕路鄖據路史國名紀四國皆妘姓

諸國爲鄖別族類

解謂鄖封於羅非也據地里沿革表明一統志廣輿記諸

書皆謂今德安府湖爲鄖子國不知在德安者乃鄖子與

鄖子別許慎云鄖漢南之國漢有鄖關杜預云鄖在江夏

雲杜縣東南通攷亦云鄖在雲杜縣東南楚紀云鄖國在

鄖杜郭璞作雲杜案漢之雲杜今京山縣案縣屬湖北安陸府

左傳鄖人軍於蒲騷與隨絞州蓼伐楚師蓋雲杜負山阻林非

用武之地蒲騷今應城縣

案春秋地名攷略云蒲騷今與德安府應城縣北三十里

雲杜接壤土地平曠可以屯積故軍於此鄖在德安則負

郭以下無不可軍者遠涉蒲騷何爲乎且當時與國惟州

在南郡隨爲今隨州

案州屬德安府

路史謂絞在隨唐之南杜預

謂蓼在義陽郡東南據一統志義陽故城在今孝感縣以

雲杜軍蒲騷則與諸國漸近便於聲援若德安則與隨絞

諸國爲近軍於蒲騷去諸國反遠不應倒施若此故第以

當日之形勢論之鄖子國之在京山無疑也國名紀云鄖

子鄖夫人國也鄖夫人卽宣四年棄子文於夢中者今子

文廟在雲夢縣縣故隸德安晉書地理志鄖子

案鄖或作雲路史國

名紀引古之雲夢通攷謂雲夢在鄖子之國盟會圖直云
作雲子

鄅子國在安州安州今德安據左傳及諸說證之則德安府之爲古鄅子國非鄅子國亦無疑也沿革表諸書因鄅與鄅音同而不究其實遂至混稱輯郡志者因之且謂鄅

以涢水得名不知涢水源出雲杜之洪山則涢實以鄅子

得名

案本傳釋文涢城本亦作鄅可見

又鄅有別見者哀十二年所會之

鄅乃吳地鄅縣之鄅

案縣屬湖北鄅陽府

乃古麇國地或鄅之同姓

有居於是者故襲稱之然不可考矣

程大中在山堂集鄅子國攷

鄅有

四桓十一年鄅人軍於蒲騷鄅國也昭十四年楚使鬪辛居鄅楚地也哀十一年大叔殯於鄅衛地也十二年會於

鄅吳地也

春秋分記疆理書十一

絞州解絞國名州國在南都華容縣東南

絞州少昊後偃姓國路史國名紀二絞在今湖廣今湖北鄖陽府西
北州今荊州府監利縣東三十里有州陵城大事表五案此
州國與五年傳在淳于之州自別日知錄所謂州國有二
是也

蓼解今義陽棘陽縣東南湖陽城

蓼力救反今河南南陽府唐縣南九十里湖陽故城是大事表五

詳見駁證及古音

鄖人軍其郊必不誠

孫武子曰諸侯自戰其地者爲散地張預曰戰於境內士
卒顧家是易散之地也楚鬪廉曰鄖人軍其郊必不誠恃
近其城莫有鬪志果爲所敗是也

讀左日
鈔一

君次於郊郢以禦四邑解郊郢楚地

郊郢今湖廣

今湖北

安陸府治鍾祥縣郢州故城是其地也

前代置郢州蓋以郊郢故案府治旁控石城下臨漢水蓋
險固地當時四國相距遼遠不能遽集而此居中扼要故
據之以離其黨羽因以伐鄖之孤軍耳

大事表
七之四

爲公娶鄧曼生昭公

鄧曼生忽莊公夫人

杜氏世族譜

孔廣栻曰楚武王夫人亦

鄧曼見十三年

雍氏宗有寵於宋莊公

服虔曰爲宋正卿故曰有寵

史記鄭世家集解

桓十
二盟于曲池解魯地魯國汶陽縣北有曲水亭

案晉志縣屬魯郡

曲池在今曲阜縣東北四十里

大事表
七之一

公及宋公盟于句瀆之丘解卽穀丘也宋地

宋穀丘在山東曹州府曹縣東北三十里

春秋
輿圖

故又會于虛冬又會于龜解虛龜宋地

虛龜疑並在今河南睢州境

案州屬歸德府
日講春秋解義七

虛有二桓

十二年公會宋公于虛是宋地成十七年鄭侵晉虛滑是

晉二邑

春秋分記疆理書十一

故與鄭伯盟于武父解鄭地陳畱濟陽縣東北有武父城

武父今在直隸大名府東明縣西南與河南開封府蘭陽

縣接界

大事表
七之二

武父有二桓十二年公會鄭伯盟于武父

鄭地也定四年自武父以南衛北界也

春秋分記疆理書十一

楚人坐其北門而覆諸山下

南門楚軍所在絞人旣敗必走北門故移軍斷其歸路

義門

記讀書

楚師分涉于彭解彭水在新城昌魏縣

彭水在今湖廣今湖北鄖陽府房縣西南流入穀城縣界

大

表八下

羅解熊姓國在宜城縣西山中後徙南郡枝江縣

羅氏子爵熊姓一曰祝融之後妘姓初封宜城後徙枝江爲楚所滅通志氏族略二羅自桓十三年大敗楚師後不復見蓋遷于楚矣今襄陽府湖北宜城縣西二十里有羅川城楚遷之枝江國語富辰曰羅之亡由季姬當在此時續漢志枝

江侯國本羅國後又徙于長沙

案路史國名紀云周東乃定長沙讀史方輿紀要云

楚文王自枝江徙羅于此今岳州府

湖南

平江縣南三十里有羅城又長

沙府湘陰縣東六十里有羅城乃接境處也

春秋地名攷略十三

桓十楚子使賴人追之解賴國在義陽隨縣

賴氏子爵

通志氏族略二

賴有二昭四年楚滅賴是小國哀六年

使胡姬以安孺子如賴是齊邑

春秋分記疆理書十一

厲炎帝後姜

姓國卽賴

路史國名紀一

賴今河南光州商城縣南有賴亭昭四

年滅于楚公穀俱作滅厲蓋古厲賴同音故有此誤

大事表五

詳僖十五年古音

及鄖解鄖水在襄陽宜城縣入漢

鄖水在今湖廣

今湖北

襄陽府宜城縣南

大事表八下

亂次以濟釋文本或作亂次以濟淇水

案今本誤作其水

沕水與夷水亂流東出謂之淇水逕蠻城南城在宜城南三十里春秋莫敖自羅敗退及鄖亂次以濟淇水是也

案敗

在濟淇後此誤引水經河水中注

案楚師濟鄖水之後兵無紀律又濟

淇水以至羅地故水經注於鄖水下引傳云楚人伐羅渡鄖卽於淇水下引此文自是二水或有以鄖作地名者非也昭十三年王沿夏將欲入鄖卽此鄖水餘詳攷異

遂無次

師古曰無次不爲次列也

漢書五行志中之上注

羅與盧戎兩軍之解盧戎南蠻文十四年解盧今襄陽中盧

縣釋文盧戎如字本或作盧音同

廬媯姓之國

案廬字宋本作廬國語周語中注

廬江郡應劭曰故廬子國

漢書地理志上注

今湖廣

湖

襄陽府南漳縣東北五十里有中廬

鎮楚滅之爲廬邑文十六年傳自廬以往是也

大事表五

案

據漢書注則廬爲子爵通志氏族略云廬氏亦作廬音通

廬子戢黎之後路史國名紀亦云春秋時廬子戢黎文十

四年解曰戢黎

傳文作黎

廬大夫十六年傳使廬戢黎侵庸是

楚滅廬爲邑戢黎守之安得卽指爲廬子特不知羅與廬

戎何年見滅大約楚憤莫敖之敗再舉復仇焉有不亡之

理乎

莫敖縑于荒谷羣帥囚于治父

解皆楚地

荊州記曰縣東三里餘有三湖湖東有水名長谷又西北

有小城名曰冶父

續漢書國志四注

江陵

縣西冶父城在江陵縣東

大事表七之四

桓十乙亥嘗

禘于太廟禮曰日用丁亥

大戴禮文

不得丁亥則己亥辛亥亦

用之無則苟有亥焉可也

儀禮少牢食禮注

春秋宣八年經書辛

已有事于太廟文二年經書八月丁卯大事于太廟昭十

五年經書二月癸酉有事于武宮桓十四年乙亥嘗此等

皆不獨用丁巳之日與亥辰也必須亥者案月令云乃擇

元辰天子乃耕注云元辰蓋郊後之吉亥也陰陽式法亥

爲天倉祭祀所以求福宜稼于田故先取亥上旬無亥乃

用餘辰也

又疏

焚渠門入及大達伐東郊解渠門鄭城門

鄭遠郊東有渠門據傳文言之亦當爲遠郊之門其城東門當卽鄭門矣

襄九大事表七之二

取牛首解鄭邑

今陳留縣西南十一里牛首鄉有牛首城

案縣屬河南開封府春秋地

爲盧門之椽解盧門宋城門

昭二十一年華氏居盧門以叛杜注宋東城南門

案水經睢水注

引作宋城
南門也

後漢志睢陽有盧門亭

春秋地名
攷略十

桓十五年王使家父來求車八年解家父天子大夫家氏父字桓十五年上距幽王之卒七十五歲此詩不知作之早晚

若幽王之初則八十五年矣韋昭以爲平王時作此言不
廢作在平桓之世而上刺幽王但古人以父爲字或累世
同之宋大夫有孔父者其父正考父其子木金父此家氏
或父子同字父未必是一人也

詩節南
山正義

祭仲專

專權重也

戰國策秦策
高誘注

使其壻雍糾殺之

賈逵曰雍糾鄭大夫

史記鄭世家
家集解

戶諸周氏之汪解汪池也周氏鄭大夫

通俗文亭水曰汪池之泥濁者也

一切經音義四

周氏之池地在

南郊近桔株之門又僖三十三年公子瑕覆于周氏之汪

案彼傳與桔槔之門連文故知
池在南郊春秋地名攷略六

許叔入于許

因鄭亂義門讀書記

鄭伯因櫟人解櫟鄭別都也今河南陽翟縣

鄭櫟地今爲河南許州府禹州案許州府今改州治禹州改屬開封府後屬

楚案楚城櫟見昭元年大事表七之二櫟有三桓十五年突入櫟莊二十

年王處櫟僖二十四年狄伐鄭取櫟昭元年楚公子圍城
犨櫟郊鄭地也襄十一年秦晉戰于櫟晉地也昭四年吳

伐楚入棘櫟麻楚地也

春秋分記疆理書十一

會于橐案郡國志沛國相下引傳解宋地在沛國相縣西南曰會于橐杜預曰在縣西

南一名橐又案橐別見信元年傳與此不合

襄今徐州蕭縣西

案縣今屬江蘇徐州府
阜爾康春秋辯義四

將納厲公也

同盟故

義門讀書記

桓十城向

熊過氏曰隱二年莒入之矣其介于莒魯之間故或因其服而城之其後莒卒滅向而莒魯之爭始于此

春秋辯義四

餘見隱二年駁證

屬諸右公子云云屬壽於左公子解左右媵之子因以爲號

諸侯一娶九女夫人與左右媵各有姪娣二媵與夫人之姊三人爲貴妾餘五者爲賤妾也

儀禮喪服記疏

構急子解構會其過惡

此言憇伋於公傳言構僂子服虔云構會其過惡亦是憇之也

詩二子乘
舟正義

使盜待諸莘解衛地陽平縣西北有莘亭

此言先待於隘傳言使盜待諸莘服虔云莘衛東地則莘與隘一處也

詩二子乘
舟正義

京相璠曰今平原陽平縣北一十

里有故莘亭阤限蹊要自衛適齊之道也

水經注

衛莘在

山東東昌府莘縣北八里

春秋
輿圖

莘有五桓十六年衛侯使

盜待諸莘衛地也莊十年荆敗蔡師于莘蔡地也三十二

年神降于莘號地也僖二十八年晉侯登有莘之虛古莘

國也成二年師從齊師于莘齊地也

春秋分記
書十一

桓十
盟于黃解齊地

七

登之黃縣東南二十五里有故黃城本紀邑後入齊案黃

縣屬

山東登州府路史國名紀三

盟于趙解魯地

趙當在今山東泗水鄒縣之間

案二縣俱屬兗州府由講春秋解義八

及齊師戰于奚解魯地

今兗州府滕縣南奚公山下有奚邑

大事表七之一

冬十月朔日有食之不書日官失之也

丙戌歲

大衍推得在十一月交分入食限失閏也以今歷推之是

歲十一月加時在晝交分二十六日八千五百六十八食

限志二元史歷

以大衍考之在十一月庚午朔入少象初爻應

日食黃道氐四度

春秋分記歷書一案據長歷爲十月庚午朔歛縣吳守一萬先春秋日食質

疑曰當是十一月庚午朔
日食書十月者預聞之誤

桓十八女有家男有室解女安夫之家男安妻之室

男有室女有家謂男處妻之室女安夫之家夫婦二人共爲家室故謂夫婦家室之道爲室家也

詩隱有萇
楚正義

公會齊侯于灤解灤水在濟南歷城縣西北入齊

灤卽今之小清河志云濟之南源也源發趵突泉在濟南府城西南濟水伏流重發處經城北而東大明湖自城北水門流入焉又東北經華不注山陽合華泉又東北入大

清河卽濟瀆也

大事表
八上

齊侯通焉

服虔云芻淫曰通言芻者非其妻妾芻與之淫上下通名

也牆有茨云公子頑通於君母左傳曰孔悝之母與其豎
渾良夫通皆上淫也齊莊公通於崔杼之妻蔡景侯爲太子
般娶於楚通焉皆下淫也以此知通者總名故服虔又
云凡淫曰通是也

詩雄雉
正義

齊侯師于首止解衛地陳畱襄邑縣東南有首鄉

案都國志
注引作有
首止

城之二
服虔曰首止近鄭之地

史記鄭世家
集解

僖五年會王世子于首

止卽此在今河南歸德府睢州治東南接寧陵縣境

大事表七

補釋三

莊公元年
盡卅二年

左通一

錢塘梁履繩學

莊不稱卽位文姜出故也解莊公父弑母出故不忍行卽位元之禮

案春秋莊公元年不稱卽位文姜出故服虔注云文姜通兄齊襄與殺公而不反父殺母出隱痛深諱朞而中練思慕少殺念至于母故經書三月夫人遜于齊既有念母深諱之文明無讎疾告列之理

魏書寶援傳

餘詳駁證

莊會齊侯于禚解齊地

案四年公及齊人狩于禚定九年齊與衛地自濟以西禚媚杏皆此也當爲齊魯衛分界之地或曰在長清縣境

案縣

屬山東濟南府
春秋地名攷略三

莊紀季以鄆入于齊解鄆紀邑在齊國東安平縣齊欲滅紀故季以邑入齊爲附庸

國語齊桓公初立正封疆東至于紀鄆蓋特存之案齊都臨淄而鄆卽在臨淄之境知桓公初年齊之東地甚狹管仲云東至于海特夸辭耳迨滅紀滅鄆後復稍并莒杞之地以自益至襄六年晏弱滅萊棠則盡有登萊之地東至于海矣今臨淄縣東十九里有安平城又鄆亭亦在縣東

大事表
七之二鄆有二僖二十六年公追齊師至鄆是齊地先屬

紀二十八年楚師背鄆而舍是衛地險阻處

春秋分記
疆理書十一

公次于滑解鄭地在陳留襄邑縣西北

後漢志襄邑有滑此杜氏所本也今河南歸德府睢州有

滑亭

大事表七之二滑有三莊三年次于滑鄭地也十六年滑伯

同盟于幽滑國也

案滑伯見是年經地在今河南開封府偃師縣南

宣八年楚子

及滑汭楚地水名

春秋分記疆理書十一

莊

楚武王荆尸解荆亦楚也

十年經解荆楚本號後改爲楚

僖元年經解荆始改號曰楚

楚居荊州故或以州言之春秋經賈氏訓詁云秦始皇父諱楚而改爲荊州亦以其居荊州故因諱而改之亦有本自作荆者非爲諱也春秋公羊穀梁皆言州不若國賤楚故以荆言之彼自春秋之例其外書傳或州或國自從時便非褒貶也殷武曰維女荆楚已并言之是楚之稱荆亦

已久矣魯頌亦曰荆舒是懲是隨時之名不定也

案漢書高帝紀

注如淳曰荆亦楚也賈逵曰秦莊襄王名楚故改諱荆遂行於世晉灼曰奮伐荆楚自秦之先故以稱荆也師古曰晉說是也左傳又云荆戶而舉亦已久矣詩漸漸之石正義

案十年正義曰荆楚一

木二名故以爲國號亦得二名愚謂楚大荆也

淮南子人間訓注

故後單號楚沈括筆談云荊州宜荆或爲楚楚亦荆木之別名也

卒於櫟木之下正義木有似榆者俗呼爲朗榆

櫟松心木

案繫傳曰一名松心許慎說文六上

今湖廣安陸府治東一里

有櫟木山上有青泥池一名青泥山三國志魏樂進與關羽相拒于青泥山祝穆曰卽櫟木山也亦名武陵以楚武王卒于此而得名

案讀史方輿紀要云考樂進傳進與羽相拒于襄陽或是襄陽之青泥河大

令尹宣十二年正義楚國名上卿爲令尹者云云

今君已爲令尹矣此國冠之上史記世家楚冠音貫令尹乃尹

中最尊故以國爲言猶如卿子冠軍然楚系家索隱

除道梁溠解溠水在義陽厥縣西東南入鄖水

周禮河南曰豫州其浸波溠鄭注云春秋傳曰楚子除道梁溠營軍臨隨則溠宜屬荊州在此非也案馬融精於周官其頌廣成明言浸以波溠詳見後漢書馬融傳注鄭違其義非是

水經涢水注溠水出隨縣西北黃山南逕灝西縣西又東南逕隨縣故城西春秋楚武王伐隨除道梁溠謂此水也又南流注于涢溠水流短涢水出蔡陽縣大洪山一名清

發水東南逕隨縣至安陸入于汭澨既合湏自下可以通

稱經所謂澨蓋卽湏也豫州南界至漢殷時已然周人因之呂氏春秋云河漢之間曰豫州有始篇澨水在漢北其爲

豫澨又何疑焉

禹貢錫指八

澨水在今隨州北八十五里

案縣屬湖

且請爲會於漢汭而還解汭內也謂漢西

大事表入下
北德安府

汭之言內其字或作內閣百詩云渭汭汭字解有作水北

者有作水之隈曲者

案見書孔傳閔二年杜解

有作水曲流者有作

水中州者總不若說文汭水相入也爲確解左氏一書莊

四年曰漢汭閔二年曰渭汭宣八年曰滑汭昭元年曰雒

汭四年曰夏汭五年曰羅汭二十四年曰豫章之汭二十

七年曰沙汭定四年曰淮汭哀十五年曰桐汭水名下繫

以汭者衆矣又何疑於禹貢渭案汭水相入與水之隈曲

曰汭二義相成而不相悖蓋兩水相入其水會襟帶處必

有隈曲詩大雅芮鞫之卽芮卽職方涇汭之汭水名也

案禮夏官職方氏注引詩作汭𡊨之卽漢志扶風汧下云芮水出西北東入涇

詩芮阨雍州川也

案陝字誤困學紀聞引鄭注作汭𡊨何焯氏引漢書作芮𡊨蓋字以形近致譌

集韻𡊨字注或作𡊨泥則知三字可通

師古曰阨讀與鞫同余因悟水北曰

汭之義鄭箋曰水之內曰隩水之外曰鞫外卽南內卽北

也

禹貢錐指十

漢汭乃襄陽以南至安陸之漢水也自襄陽至

安陸府七百里自安陸至沔陽州七百里

案州屬漢陽府

安陸爲

楚之郊郢是時王卒于櫟木之下在安陸府治東一里莫

敖懼隨人邀襲故以王命請隨侯爲會于此時楚尚未能

有漢隨在漢東楚在漢西故杜解爲漢西

大事表
入下

莊五 郡解附庸國也東海昌慮縣東北有鄖城

小邾國于鄖今山東兗州府滕縣東六里有鄖城

大事表
五

莊六 放甯跪于秦解甯跪衛大夫

甯跪文仲武公曾孫杜氏世族譜衛武公生季亹食采於甯因

以爲氏

通志氏族略三

案杜譜於雜人內列甯跪則哀四年所

見者也文五年傳晉陽處父聘于衛反過甯知甯邑與衛近始屬衛後屬晉耳

莊七 恒星不見夜明也星隕如雨與雨偕也解恒常也謂常見之星如而也

恒星不見之說當以左氏爲長蓋列宿有名之星無隕墜之理隕而旋復益復誕妄並見公穀傳惟夜中以前日光已沒星當見而不見故以爲異而記之其云夜中星隕者自謂

無名之星或有隕墜者不當以恒星之不見爲全隕也

秦蕙

田五禮通考百九十二炳燭齋隨筆曰陸德明論語音之失曰北人

則而如靡異今經傳中多有之孟子而居堯之宮而當作如小雅綱直如髮如當作而是也

案日知錄三十二言之最詳閻若璩四書釋

地三

北戊葵丘解齊地臨淄縣西有地名葵丘

京相璠曰齊西五十里有葵丘地若是無庸戌之僖公九年齊桓會諸侯于葵丘宰孔曰齊侯不務修德而勤遠略

明葵丘不在齊也引河東汾陰葵丘山陽西北葵城宜在此非也余原左傳連稱管至父之戍葵丘以瓜時爲往還之期請代弗許將爲齊亂故令無寵之妹候公於宮因無知之紺遂害襄公若出遠無代寧得謀及婦人而爲公室之亂乎是以杜預稽春秋之旨卽傳安之注於臨淄西不得舍近託遠苟成已異於異可殊卽義爲負然則葵丘之戍卽此地也水經淄水注案後漢志西安縣有蘧丘亭亦曰渠丘或以爲卽古葵丘今臨淄縣西有西安故城及蘧丘里卽其地矣九年傳曰雍廩殺無知昭十一年曰齊渠丘實殺無知杜注渠丘齊國西安縣地齊大夫雍廩邑疏引鄭衆云渠丘爲無知之邑疏又云晉封桓叔于曲沃而以樂

賓傅之鄭使許叔居許而以公孫獲佐之楚使太子建居城父而以奮揚助之並是一邑而有二人然則齊使無知居渠丘又以雍廩爲其大夫何不可乎唯同在一地故得相誘爲非連稱至以妹許無知非平居親習不能也渠丘葵丘蘧丘三字同音諸家之說宛轉相合渠丘卽葵丘無疑矣

春秋地名
攷略三

葵丘在今山東青州府臨淄縣西三十里

大事表
六之下葵丘有二莊八年齊侯使連稱管至父戍葵丘齊地也僖九年公會宰周公于葵丘宋地也

春秋分記疆理書十

瓜時而往曰及瓜而代

服虔曰瓜時七月及瓜謂後年瓜時

史記齊世家集解

故謀作亂

二人以久戍故怨而作亂

春秋地名
攷略三

連稱有從妹在公宮

服虔曰爲妾在宮也

史記齊世家集解

齊侯游于姑棼遂田于貝丘解姑棼貝丘皆齊地

姑棼卽薄姑

一名蒲姑樂安博昌縣北有薄姑城

案蒲姑見昭九

年周成王時薄姑與四國作亂王滅之以益太公之封後

胡公徙都于此

案說本史記齊世家漢書地理志下

在今青州府博興縣東

北十五里

大事表七之一

後漢志博昌有貝丘聚是也今博

興縣南五里有貝丘聚楚語齊驕馬繻以胡公入貝水亦

卽此

春秋地名
攷略三

見大豕從者曰公子彭生也算公見大豕而從者見彭生皆

妖鬼

服虔曰鬼改形爲豕也

史記齊世家集解

豕人立而啼

服子愼曰啼呼也

文選左太冲蜀都賦劉淵林注

案亦呼號也水經濱

水注引作豕立而泣可見

見公之足于戶下

字書一扇曰戶兩扉曰門又在於堂室曰戶在於宅區域

曰門

一切經音義十四

鮑叔牙

鮑叔齊大夫姒姓之後鮑敬叔之子

案世譜

作叔敬叔牙也

國語齊語

注夏禹之後有鮑叔仕齊食采於鮑因以爲氏

通志氏族略三

今

濟南府歷城縣東三十里有鮑城

大事表
七之一

管夷吾

閔元年正義

敬謐仲字管氏夷吾名

管仲夷吾者潁上人也

史記管仲傳

管夷吾齊卿姬姓之後管

嚴仲之子敬仲也

案史記索隱引世本云莊仲山產敬仲

夷吾此作嚴仲者避漢明帝諱也

語注齊

案敬仲見閔元年晉語稱管敬子餘詳僖十二年

公子糾解小白庶兄

伊川之說以桓公爲兄子糾爲弟往往因薄昭與淮南厲王書曰齊桓殺其弟以反國遂誤之

案趙汎春秋集傳云書言桓公殺弟蓋有

所避時文帝晦菴又附會而援其說見論語注蓋不之審也案於淮南爲兄

史記云襄公立殺誅數不當羣弟恐禍及故次弟糾奔魯小白之莒左氏注云子糾小白庶兄鄧驥左氏指縱云桓

公襄公之季弟則子糾兄也小白弟也無疑矣故荀子曰

齊桓殺兄而爭國

仲尼篇

伊川之說誠爲誤矣

孫奕示
見編五

案

莊子盜跖篇小白殺兄亦是一證明張鼎思琅邪代醉編

云越絕書管仲臣於桓公兄公子糾朱子豈未詳攷乎史

記襄公次弟糾奔魯又云次弟小白奔莒觀兩次字兄弟

之序可見

莊盟于饁解魯地琅邪繒縣北有饁亭

在今兗州府嶧縣東八十里

大事表
七之一

師及齊師戰于乾時解齊地時水在樂安界岐流旱則竭涸故曰乾時

時水出今臨淄縣

案縣屬山東青州府

西南二十五里蓋伏淄所發

亦謂之耏水裏三年齊侯與晉士匄盟於耏外卽此水經
注樂安博昌縣南界有時水西通濟其上源出盤陽北至
高苑下有死時卽春秋之乾時也

大事表
八上

乃殺子糾于生寶

解魯地

賈逵云魯地句寶

史記齊系
家索隱

在今曹縣

案縣屬山
東曹州府

東北三

十里濮水所逕爲齊魯交境

春秋地名
攷略二

及堂阜

解齊地東莞蒙陰縣西北有夷吾亭文十五年解齊

魯竟上地

賈逵曰堂阜魯北境

史記齊世
家集解

今在山東蒙陰縣西北

案縣

屬沂州府
日講春秋解義十

治於高侯

解齊卿高敬仲也

高氏出自姜姓齊太公六世孫文公赤生公子高高孫傒爲齊上卿與管仲合諸侯有功桓公命傒以王父字爲氏

案通志氏族略云以王父名爲氏非高之名特無攷爾

食采於盧見成十五年謚曰敬仲

世爲上卿敬仲生莊子虎虎生傾子傾子生宣子固見宣五年

固生厚見襄六年厚生子麗子麗生止奔燕見襄二十九年

唐書宰相世系表

下案襄二十九年經注云止高厚之子據世本文劉光

伯亦以止爲敬仲玄孫之子此多子麗一世程氏世譜無未知

所據

莊戰于長勺解魯地

長勺宋之汋陵城今在寧陵案縣屬河南歸德府東南二十五里後

隸魯名路史國紀四案宋之汋陵見成十二年羅氏謂卽長

國紀四

勾存以俟攷高氏地名攷略曰成王以商民六族錫魯公有長勾氏此商民之所居也說甚是特未詳其處

自雩門竊出解雩門魯南城門

魯城南之右曰雩門南城西門也面臨雩水因名

大事表
七之一

案水經泗水注沂水北對稷門亦曰雩門門南隔水有

雩壇高三丈曾點所欲風舞處也履繩攷稷門乃魯城正

南門故僖二十年稱爲南門杜氏謂卽高門又名南高門

家語子路
初見篇

蓋南城有三門正南曰稷門南城西門曰雩門

其東門曰鹿門

公羊閏二年傳注曰
鹿門魯南城東門也

不得以稷門爲雩門

矣杜氏于稷門解亦云魯南城門蓋因此致誤

稷門見莊
三十二年

大敗宋師于乘丘解魯地

如乘者乘丘

爾雅釋丘

形似車乘也或云乘者謂稻田塍埒又注

案地理志云泰山有乘丘春秋公敗宋師于乘丘是因丘

以爲名

又疏

乘丘在兗州府滋陽縣西北十里

春秋輿圖

楚敗蔡師于莘

解蔡地

莘在今河南汝陽縣境

案縣屬汝寧府日講春秋解義十

過譚

解譚國在濟南平陵縣西南

譚子爵子姓今山東濟南府治東南七十里有譚城

大事表五

案路史國名紀注引杜解作濟南東平陵西南有古譚

城據此當加東字通志氏族略以譚爲周不得姓之國而

路史乃云嬴姓國諸家所不取顧氏此表以爲子姓未知

何據

譚子奔莒同盟故也

異義公羊說國滅君死正也

襄六年

故禮運云君死社稷無

去國之義左傳說昔太王居幽狄人攻之乃踰梁山邑於

岐山故知有去國之義也許慎謹案易曰係遯有疾厲畜

臣妾吉知諸侯無去國之義也鄭不駁之明從許君用公

羊義也然則公羊之說正禮左氏之說權法義皆通也

禮記

曲禮下

正義

莊十宋師未陳而薄之

吳子凡敵有不卜而與之戰者陳而未定舍而未畢行阪

涉險半隱半出如此者擊之勿疑

讀左氏

敗諸鄙解魯地

鄅有二莊元年齊師遷紀邢鄅鄅紀地也今濰州昌邑縣

十一年公敗宋師于鄅魯地也

春秋分記疆理書十一

鄅當在兗州

府境與元年齊遷紀邢鄅鄅之鄅在都昌縣

案都昌卽今山東萊州府

之昌邑縣西者爲二地

大事表七之一

案卓氏春秋辯義引熊過氏

曰鄅本齊所遷紀邑齊宋嘗合兵次郎而宋敗乘丘今將復合而兵在鄅杜氏以鄅爲魯邑非也愚謂此役宋脩怨來侵往年之齊宋合兵者齊報長勺之敗乘丘一戰齊知宋不足恃決不復與合兵況此冬齊侯來逆其姬而桓公新卽位志在圖霸方求好于魯斷知此役唯宋爲師主熊說所不取也說文以鄅爲宋魯閒地得之亦猶堂阜屬魯而實齊魯境上之地爾

公使弔焉

賈逵曰問凶曰弔

史記宋世家集解

天作淫雨

淫霖也雨三日以上爲霖

禮記月令注

案先儒皆以淫雨爲

霖雨故周禮大宗伯疏引隱九年傳例作雨三日已上爲

淫是也

禹湯罪己

禹哭罪人湯禱桑林皆罪己之事

惠氏補注一

公以金僕姑射南宮長萬解金僕姑矢名南宮長萬宋大夫

正義其名僕姑其義未聞

魯人有僕忽不見旬日而返主欲笞之僕曰臣之姑修玄

女術得道自日上升昨降于泰山召臣飲極歡不覺遂旬日臨別贈臣以金矢一乘曰此矢不必善射宛轉中人而復歸于笮主人試之果然韁而寶焉因以金僕姑名之自

後魯之良矢皆以此名

伊世珍瑤環記中

賈逵曰南宮氏萬名宋

卿家

史記宋世家集解

案僕姑傳會淺鄙不足取證聊備異聞如

旗名靈姑鉞

昭十幅名祀姑文選吳都賦劉淵林注

其義又引吳語建肥胡作祀姑

可強解耶南宮長萬下年經作宋萬傳稱南宮萬疑長是

其字也別詳駁證

莊二

宋萬弑閭公于蒙澤

解史記宋世家集解

宋地梁國有蒙縣

賈逵曰蒙澤宋澤名也

史記宋世家集解

莊子蒙人卽此地

楊慎

左傳地名攷

今商丘縣北有蒙澤

案縣屬河南歸德府

大事表七之二

批而殺之解手批之也釋文擊也

玉篇引作搥云手擊也與杜注同張有曰搥反手擊也从手昆別作批非匹齊切

玉篇別有批字云擊也不見左傳惠氏補注一

案宋

吳興張謙中作復古編專宗說文力排今體以左氏多古字故定从搥以說文不收批字也樓攻媿序其書云古無菴字謙中以爲當作闇而難于題扁嘗篆楊龜山所作踵息菴記終篇偶無此字碑額雖從广竟作隸體書之其信古不從俗類如此

羣公子奔蕭

解宋邑今沛國蕭縣

蕭本宋邑是年蕭叔大心殺南宮牛立桓公有功宋封之以爲附庸二十三年蕭叔朝公穀梁傳云微國之君未爵

命者至宣十二年楚滅蕭而不能有還爲宋邑襄十年楚子襄鄭子耳圍蕭克之定十一年宋公之弟辰入于蕭以叛是仍爲宋邑之明證也今江南徐州府蕭縣北十里有

蕭城

大事表七之二

公子御說奔毫解宋邑蒙縣西北有毫城

案水經汲水注引作薄伐城

湯都毫杜預釋例在梁國蒙縣北薄城中有湯冢凡二毫也

案詩玄鳥正義梁國自有二毫南毫在穀熟之地北毫在蒙地非偃師也偃師爲西毫在河洛之間說文毫字繁傳

此北毫也孟子曰湯居毫亦名薄僖二十一年公會

諸侯盟于薄釋宋公哀十四年桓魋請以鞌易薄公不可

曰薄宗邑也卽此在今商丘縣西北

案縣屬河南歸德府大事表七之二

詳昭四年

石祁子解衛大夫

卷三

石駘仲子石祁子禮記鄭注駘仲衛大夫石碏之族

大事表十

下二案世族譜不詳駘仲所出而程氏世譜謂碏生厚厚

生駘仲余疑厚以罪死碏雖有大功未必卽以厚之子爲
後鄭氏云碏族是也六年正義曰謚法經典不易曰祁衛
有石祁子亦謚也檀弓載其居喪有禮此傳之同惡睦鄰
閔傳之臨難授玦固可與石碏純臣並美乃其名字不傳
惜哉

天下之惡一也

石祁子曰天下之惡一也名臣之言可訓萬世蓋祁子之
學識見於不沐浴佩玉之時衛多君子淵原有自來矣

王應

越困學
紀聞六

陳人使婦人飲之酒而以犀革裹之

服虔曰宋萬多力勇不可執故先使婦人誘而飲之酒醉而縛之

史記宋世家集解

手足皆見

言萬力能決犀

顧氏補正上

莊十會于北杏

解齊地

當在今泰安府東阿縣境

大事表七之一

遂人不至解遂國在濟北蛇丘縣東北

遂今濟南府肥城縣南界古濟北蛇丘

案縣今屬山東安府春秋辨義

今山東兗州府寧陽縣西北有遂鄉

大事表五

齊人滅遂而成之

遂虞後也

見昭三年八年傳

陳胡公遂之小宗齊人滅遂故篡齊

者卽爲陳氏

義門書記

盟于柯解此柯今濟北東阿齊之阿邑猶祝柯今爲祝阿

齊威王烹阿大夫卽此今故城在兗州府陽穀縣東北五

十里曰阿城鎮有阿城上下二閘爲運道所經大事表七之一莊

十三年盟于柯齊地也襄十九年會晉士匄于柯衛地也

春秋分記疆理書十一

莊十單伯解周大夫元年解天子卿也單采地伯爵也

單氏周室卿大夫成王封蔑於單邑故爲單氏

案路史國名紀單成

王子單子國通志氏族略三案襄三十年周有單蔑杜譜以爲雜人

及大陵

解鄭地

大陵在河南臨潁縣北三十里

案縣屬許州春秋輿圖

其氣燄以取之解尚書洛誥無若火始燄燄未盛而進退之

時以喻人心不堅正

師古曰炎謂火之光始燄燄也言人之所忌其氣燄引致

于災也

漢書藝文志注

遂殺傅瑕

懲祭仲也晉惠公亦殺里平

義門讀書記

入

入謂入機或解作復國誤

慎朝正左氏傳闕義

典司宗祏解宗祏宗廟中藏主石室正義慮有非常火災於

廟之北壁內爲石室以藏木主有事則出而祭之旣祭納於石室祐字從元神之也

周制公羊說主藏太廟室西壁中以備火災西方長老之處尊之也

案禮書引五經異義云藏主於廟西壁中備水火之災必在西者長老之處地道尊右鬼神幽

陰也魏代或問高堂隆曰昔受訓云馮君入萬言章句說正

廟之主各藏太室西壁之中遷廟之主於太祖太室北壁之中案逸禮藏主之處似在堂上壁中荅曰章句但言藏太祖北壁中不別堂室愚意以堂上無藏主當室之中也東晉太常賀循案漢儀藏主於室中西牆壁焰中去地六尺一寸當祠則設坐於焰下禮天子達嚮者牖也謂夾戶之窻古者帝后異廟今者共堂別室制度不同疑室戶亦

異又案古禮神主皆盛以石函餘薦藉文不備見摯虞決
疑云廟主藏於戶之外西墉之中有石函名曰宗祏函中
苟以盛主通典禮八

臣無二心天之制也

原繁曰臣無二心天之制也此天下名言萬世爲臣之大
法真西山讀書記取之因學紀聞六

莊公之子猶有八人解傳唯見四人子忽子亹子儀並死獨
厲公在八人名字記傳無聞

猶有八人者謂除此四人外尚有八人見在也桓十四年
鄭伯使其弟語來盟傳稱其字曰子人亦其一也顧氏補正上

鄭風清人序曰公子素惡高克進之不以禮文公退之不

以道危國亡師之本故作是詩也正義云文公有臣鄭之公子名素者案公子素不見經傳疑是莊公之子於文公爲叔父亦八人中之一也

陳鱣詩人攷

繩息媯解繩譽也

譽繩也

禮記表記注

言繩可以度量於物凡口譽於人先須忖

度亦量之於心故以譽爲繩也

又正義

呂覽古樂篇曰周公

旦作詩以繩文王之德小爾雅曰繩之譽之也杜注本此

惠氏補

注一

生堵敖

釋文杜云楚人謂未成君爲敖

昭十三年史記作杜敖

文王卒子熊囏立是爲杜敖

史記世家

會于鄖解衛地今東郡鄖城也

鄆後爲齊豹邑昭二十年奪之司寇與鄆卽此今山東曹州府濮州東二十里舊城集故鄆城也大事表七之二鄆有二莊十四年會于鄆衛地也成十一年劉子盟于鄆王畿也春秋

分記彌理書十一

莊

十諸侯爲宋伐鄭解鄭附庸屬宋而叛故齊桓爲之伐鄭

石氏以爲鄭有二鄭黎來乃是小邾國見五而三國伐鄭

乃宋之附庸不知是否

呂大圭春秋或問八

莊

十公父定叔解共叔段之孫定謐也

段生滑隱滑生定叔

春秋分記世譜七

使以十月入曰良月也就盈數焉

考左傳鄭厲公復公父定叔之位使以十月入曰良月也

而顏師古注漢書李廣數奇以爲命隻不耦是則以雙月爲良隻月爲忌喜耦憎奇古人已有之矣三十日知錄案厲公以十四年六月長歷云乙巳小甲子大事表云二十日復入定位蓋亦以雙月雙日爲利也

同盟于幽解宋地

幽當在今河南考城縣境

案縣屬歸德府日講春秋解義十一

晉武公伐夷執夷詭諸解夷詭諸周大夫夷采地名

釋例土地名夷國在城陽壯武縣莊十六年晉武公伐夷土地名注爲闕則二夷別也世族譜於夷詭諸之下注云妘姓更無夷國則以二夷爲一計壯武之縣遠在東垂不得爲周大夫之采邑而晉取其地是譜誤也

隱元年正義

周公忌父解王卿士

或云忌父宰周公孔弟

案宰周公見僖九年

未知是否大事表十二上

莊十八春王三月日有食之解不書日官失之正義當云不書

朔與日注不言朔脫也

乙巳歲王子朔

大衍推是歲五月朔交分入食限三月不應食以今歷推之是歲三月朔不入食限五月壬子朔加時在晝交分入食限蓋誤五爲三元史歷志二衛朴推日食三十六獨莊十八年三月古今算不入食法獨之一字固非近黃太沖謂是年二月有閏三月應食尤非蓋余推步以授時莊公十八年乙巳歲距至元辛巳中積七十一萬四千四百一十八日四刻步至三月朔不入食限旣不入食限則夜亦不食

春秋推三月食見其不食遂疑而不書日朔穀梁以爲夜食則鑿矣法推是歲五月定朔四十八日六十五刻是五月朔壬子日案清書律歷志云推合王子朔申時合朔交泛一十三日五

十七刻八十分加時在晝去交分入食限元史曰蓋誤五爲三也案沈括筆談云疑前史誤又以時憲上推莊公十八年三月朔

實會五十○日一十時三十一分從甲子算起該癸酉日已正二刻一分合朔

交周九宮二十七度一十四分九秒不入食限加二朔實五十

九日一時二十八分得實會四十九日一十三時從甲子算起該

王子日未初刻合朔授時則除甲子算也加二交周得一十一宮二十八度

三四三七入日食限食在中交與授時同太沖明知三月朔不入食限乃

欲以五月實會交周之數移至三月謂與春秋脗合以駁

大衍授時之誤借有閏月以爲解其誣天且誣人也甚矣

尚書古文疏證六上

虢公晉侯朝王王饗醴命之宥解飲宴則命以幣物宥助也所以助歡敬之意

禮器曰琥璜爵鄭氏以爲天子酬諸侯諸侯相酬之禮王饗虢公晉侯皆玉五疋馬三匹左氏不譏其物而譏其數之不異是天子饗諸侯諸侯相饗酬幣用玉也諸侯食大夫相食以皮帛與錦則侑幣固有差矣

案此見儀禮公食大夫禮

皮帛當作束帛然公食大夫三飲而後侑則每舉不侑秦后子享晉侯歸取酬幣終事八反而每爵必酬非禮也酬幣亦謂之侑侑幣不謂之酬故春秋傳饗醴皆曰宥以侑者勸酬

之通稱也公食大夫飲酒實饌春人凡饗食共其米餼人
凡賓客共其簠簋之實饗食亦如之則食非無酒饗非無
食特其所主者異耳

禮書五十八

使原莊公

原氏周文王第十六子原伯之後封於河內今澤州沁水
是其地也

案原地見隱十一年

周有原莊公世爲周卿士故以邑爲

氏

通志氏族略三

公追戎于濟西解公逐之於濟水之西

莊三十年注濟水歷齊魯界在齊界爲齊濟在魯界爲魯

濟杜氏所謂歷齊魯界者卽東北分流一支其在鉅野

今亦

爲縣屬山東曹州府壽良卽今兗州府壽張縣須昌在今泰安府東平州則穿曹魯之境

謂之魯濟其在穀城以下穀城在今秦安府東阿縣則穿齊衛之境所謂齊濟也僖三十一年取濟西田左傳分曹地也追戎濟西卽己氏之戎在今曹縣境者隱二年會于濳七年伐凡伯皆此戎也

春秋地名
攷略二

楚武王克權解權國名南郡當陽縣東南有權城

權氏羊姓顓帝之後唐表云子姓商武丁之裔

案此見唐書宰相世家

系表氏族略二通志今湖廣安陸府當陽縣東南有權城

大事表五

遷權於那處解楚地南郡編縣東南有那口城

那處在今湖廣荊門州東南

日講春秋解義十一

閼敖游涌而逸解涌水在南郡華容縣

游浮行也

日講春秋解義十一

江水又東涌水注之水自夏水南

通于江二水之間謂之涌口春秋所謂閭敖游涌而逸者

也

水經江水三注

今在監利縣東南乃夏水支流

案縣屬湖北荊州府春秋地

名攷略八

莊

十

大敗於津

解楚地或曰江陵縣有津鄉

枝江縣西三里有津鄉津鄉里名也春秋莊公十九年巴人伐楚楚子禦之大敗於津應劭曰南郡江陵有津鄉今

則無聞矣郭仲產云尋楚禦巴人枝江是其塗便此津鄉

始卽其地也

案春秋地名攷略云杜氏說蓋本之應劭杜佑曰津鄉在江陵城東亦用應說水經江

水二

枝江縣今屬荊州府

大事表

七

之四

敗黃師于踏陵

解黃地

踏陵當在今河南光州西南境

解義十一

日講春秋

及湫解南郡都縣東南有湫城

湫今在襄陽府宜城縣西南楚靈王時爲伍舉采邑國語有湫舉子湫鳴

大事表
七之四

鬻拳可謂愛君矣諫以自納於刑刑猶不忘納君於善解言愛君明非臣法也楚能盡其忠愛所以興

正義
何休膏肓云

云

箴膏肓云楚鬻拳同姓有不去之恩

詩柏舟
正義

子積有寵焉國爲之師

周禮地官之屬師氏掌以媿詔王以三德教國子鄭氏注師氏教國子而世子亦齒焉子積莊王子以焉國爲之師

蓋師氏職云

春秋分記
職官書

而收膳夫之秩解膳夫石速也

案周禮天官之屬膳夫掌王之食飲膳羞以養王及后世子石速爲膳夫其任此矣

春秋分記職官書一

衛師燕師伐周

衛惠公之復入也王人子突救衛以佐黔牟

見六
年

衛方怨

王故子穀以衛師伐周

義門讀書記

莊廿胥命于弭解鄭地

近鄭西鄙在今許州府

今改州治

密縣境

案縣今屬開封府大事表七之二

同伐王城

昭廿二年解

王城郊鄆今河南縣

今河南府洛陽縣城內西偏卽王城故址自平王東遷至景王十一世皆居此敬王遷成周王城廢至赧王復居之

大事表
七之一

鄭伯將王自圍門入

圍門爲王城南門

大事表
七之一

東圍

昭二十二

圍澤

昭二十六

皆周地圍

門恐以此得名

春秋
攷略
一

鄭伯享王于闕西辟樂備

明饗君非禮也

禮記郊
特牲注

春秋之時則有諸侯饗天子故莊

二十一年鄭伯享王于闕西辟樂備亂世非正法也

又正義

自虎牢以東解虎牢河南成臯縣隱五年解北制一名虎牢

虎牢城在今河南開封府汜水縣西二里初屬鄭後屬晉

襄十年諸侯之師戍鄭虎牢卽此後三家分晉段規謂韓襄子曰必得成臯石澑之地卽虎牢也後韓哀侯卒以此

滅鄭

大事表列國地形口號

案水經河水五注引穆天

於葭中天子將至七萃之士高奔戎生擒虎而獻之天子命之爲柙畜之東虢是日虎牢矣文與今本小異

虢公爲王宮于玤

解虢地

玤在今河南河南府澠池縣界

大事表七之三

王與之酒泉

解周邑

今陝西同州府澄城縣有溫泉西注于洛又有甘泉出匱谷中造酒尤佳名曰酒泉蓋虢地跨河東西後入于晉

大事

上表八

二 齊侯使敬仲爲卿

莊廿

齊高侯管夷吾陳公子完俱謚敬仲皆桓公所信任者意其人皆謹慎謙下故能佐成伯業桓公可謂知人善任矣

諸葛武侯出師表云先帝知臣謹慎故臨終寄臣以大事
蓋克成大事者未有不本於謹慎者也

左氏傳
闡義

赦其不閑於教訓

閑習也

爾雅
釋詁

弛於負擔

背曰負肩曰擔

國語齊
語注

翹翹車乘

解翹翹遠貌

翹翹高貌傳言薪貌者明薪之貌翹翹然鴟鴞云予室翹
翹卽云風雨所漂搖故傳曰翹翹危也左傳引逸詩曰翹
翹車乘卽云招我以弓明其遠故服虔云翹翹遠貌

詩漢廣正

義

使爲工正解掌百工之官

管仲制國工立三族

見齊語

工正其任此矣或曰卿官之亞

職位亦重

春秋分記職官書二

飲桓公酒解齊桓賢之故就其家會據主人之辭故言飲桓公酒

鄭志荅張逸云時桓公館敬仲若哀公館孔子之類杜預亦云桓公賢敬仲之故幸賢人之家是也

詩湛露正義

五世其昌並于正卿八世之後莫之與京

服虔曰言完後五世與卿並列

史記陳杞世家集解

案陳敬仲八代

孫田常之子襄子磐也而杜以常爲八代者以桓子無字

生武子開與釐子乞皆相繼事齊故以常爲八代

案杜解見成子

得政句下

又正義

陳厲公蔡出也屏姊妹之子曰出

男子謂姊妹之子爲出爾雅釋親公羊傳曰蓋舅出

襄五年傳文又注

文十四年傳云接蕃晉出也覆且齊出也猶左傳稱鄭甥

云爾何休注以出爲外孫非也

邵晉涵爾雅正義五

故蔡人殺五父而立之解五父陳佗也

魯仲孫它字子服

見晉語上

說文祐裾也祐它古字通陳公子

佗字五父佗紇古字通紇數也詩素絲五紇

周秦名字解故下

周史解周大史也

哀六年楚子問諸周大史案周禮大史下大夫二人掌建邦之六典以逆邦國之治嘗考春官有大史小史內史外

史御史而無左右史之名禮記玉藻動則左史書之孔穎達云大史記動作之事在君左廂記事則大史爲左史也內史掌策命所掌在君之右故爲右史書酒誥云矧大史友內史友鄭注大史內史掌記言行斯大史當爲左史內史當爲右史之證春秋分記職官書

陳侯使筮之遇觀之否解觀六四爻變而爲否

案史記集解引賈逵注作

變而否

古之筮法見於春秋多矣有以前卦統後卦有以後卦斷前卦有兼二卦有止一卦陳侯筮敬仲遇觀之否變觀之否之九四則是風爲天於坤上矣其吉在於觀國之光利用賓于王崔杼筮娶遇困之大過變困之六三爲大過之九三則是夫從風而不可娶矣其凶在於

困于石據于蒺藜此以前卦占之也

襄二十一魯桓公筮季友

遇大有之乾

變離之六五爲乾之九五乾爲父爲君故曰同復于父敬如君所

其吉在於

同復于父敬如君所此以後卦占之也

閼二畢萬筮仕遇屯

之比

變屯之初九爲比之初六

其吉在於車從馬足居之兄長之母覆

之衆歸之莊叔筮穆子遇明夷之謙

變明夷之初九爲謙之初六則是火焚山

山敗於人爲言敗言爲讒

其凶在於火焚山山敗於人爲言敗言爲讒

此兼二卦占之也

閼元

昭五秦筮伐晉遇蠱曰千乘三去三去

之餘獲其雄狐晉筮與楚戰遇復曰南國蟻射其元王中

厥目此止一卦占之也

舊十五成十六

禮書七十三之字義訓變漢高

祖諱邦荀悅曰之字國惠帝諱盈之字滿亦此類王充曰

卜曰逢筮曰遇尚書金縢曰乃逢是吉

見論衡筮篇

今書作並

惠氏補

此與哀九年趙鞅卜救鄭遇水適火一例之亦適

也洪氏容齋三筆訓爲變案繫辭云唯變所適是變而後有所之也之字自包變義

左傳小疏

不在此其在異國非此其身在其子孫

六四變內卦爲中國外卦爲異國內卦爲身外卦爲子孫變在外故知在子孫也

史記陳杞世家正義

庭實旅百奉之以玉帛解艮爲門庭乾爲金玉坤爲布帛諸侯朝王陳摯幣之象旅陳也百言物備

韋昭曰庭實庭中之陳也百舉成數也

見晉語注棟謂庭實車

馬之屬玉帛束帛加璧呂覽

權動

曰苟息以屈產之乘爲庭

實而加以垂棘之璧是也

惠氏補注一

必姜姓也

六四變此爻是辛未觀上體巽未爲羊巽爲女女乘羊故爲姜姜齊姓故知在齊

史記陳杞世家正義

莊子士蕪解晉大夫

士蕪晉大夫劉累之後隰叔之子子輿也

國語晉語一注

士氏陶

唐之苗裔歷虞夏商周至成王遷之杜爲伯宣王殺杜伯其子隰叔奔晉爲士師故爲士氏其子孫居隨及范故又爲隨氏范氏有三族焉伊祁姓隰叔生士蕪字子輿故亦

謂之士輿

通志族略四

丹桓宮之楹

丹之者爲將娶齊女欲以誇大示之

案下刻桷注云與丹楹同義公羊傳注

哀姜將至當見於廟故丹柱刻棖以夸之也

國語魯語上注

莊廿四刻其桷皆非禮也御孫諫解御孫魯大夫

莊公丹桓宮之楹而刻其桷匠師慶言於公

國語魯語上注

慶掌匠大夫御孫之名也又案匠慶見襄四年相距百餘年乃別是一掌匠者名慶耳世族譜云公子結御孫則

結是其名未知孰是

秋哀姜至

古者昏葬卜日而未嘗擇日故陰陽拘忌之說不至惑人以春秋所書考之莊二十四年八月丁丑姜氏入是年歲次辛亥八月丙子朔乃初二日也八月爲夏正六月初不以月破爲嫌文二年二月丁丑作僖公主二月爲夏正十

二月亦不以月建爲嫌至於葬則經多書其日惟莊九年
七月丁酉葬齊襄公閔元年六月辛酉葬莊公文十八年
六月癸酉葬文公成元年二月辛酉葬宣公於後世葬日
爲通如隱元年十二月癸未葬宋穆公桓十七年八月癸
巳葬蔡桓侯十二月己丑葬桓公莊四年六月乙丑葬紀
伯姬二十二年正月癸丑葬文姜三十年八月癸亥葬紀
叔姬僖二年五月辛巳葬哀姜十八年八月丁亥葬齊桓
公二十七年八月乙未葬齊孝公三十三年四月癸巳葬
晉文公文元年四月丁巳葬僖公五年三月辛亥葬成風
九年二月辛丑葬襄王十七年四月癸亥葬聲姜宣八年
十月己丑葬敬嬴成三年正月辛亥葬衛穆公二月乙亥

葬宋文公十五年八月庚辰葬宋共公十八年十二月丁未葬成公襄二年七月己丑葬齊姜四年八月辛亥葬定姒九年八月癸未葬穆姜昭七年十二月癸亥葬衛襄公十一年九月己亥葬齊歸定元年七月癸巳葬昭公十五年九月丁巳葬定公雨不克葬戊午乃葬十月辛巳葬定姒是皆不合後世葬日丁巳雨不葬而戊午葬古人未嘗拘忌可見陰陽家擇日古人所不論但卜日取吉而已春秋之葬惟莊公以子般卒而葬緩餘或逾月或三四月卽葬後世爲陰陽拘忌至數年不葬曷不觀於春秋乎熊朋來經

三說

五莊廿

夏六月辛未朔日有食之解長歷推之辛未實七月朔

置閏失所故致月錯

王子歲

大衍推之七月辛未朔交分八食限以今歷推之是歲七月辛未朔加時在晝交分二十七日四百八十九入食限

失閏也

元史歷志二

別見駁證

鼓用牲于社非常也唯正月之朔慝未作日有食之於是乎用幣于社伐鼓于朝解非常鼓之月正月夏之四月周之六月謂正陽之月今書六月而傳云唯者明此月非正陽月也慝陰氣日食歷之常也然食於正陽之月則諸侯用幣于社請救於上公伐鼓于朝退而自責以明陰不宜侵陽臣不宜掩君以示大義

何休膏肓引感精符云立推度以正陽日食則鼓用牲於

社朱絲營社鳴鼓脅之

本公羊傳

左氏云用牲非常明左氏說

非夫子春秋於義左氏爲短鄭箴之曰用牲者不宜用春秋之通例此識說正陽朱絲鳴鼓豈說用牲之義也識用

牲于社者取經完句耳

禮記祭法正義

一謂用牲于社常禮也用

幣于社變禮也竊以爲用牲于社亦未必盡爲常禮何以

言之周宣王當大旱之時作雲漢之詩曰靡神不舉靡愛

斯牲又曰自郊徂宮上下奠瘞靡神不宗又曰祈年孔夙

方社不莫集傳曰社祭土神也是宣王固嘗因旱災而用

牲于社矣豈得盡謂爲常禮耶謂爲常禮者可通於王制

案王制疑當作祭法詳下而不可通於毛詩也一謂唯康侯從千載之

後斷爲鼓社

見胡傳

竊以爲公羊傳及何休注皆以鼓字屬

社是連讀者不始於康侯也

潛丘劄記下與劉超宗書

又諭鼓以助陽

非以聲罪竊謂鼓以助陽者其一說也以聲罪者又一說

也若謂非以聲罪則小子鳴鼓而攻之謂何

又與超宗書

救日

食用鼓惟據夏四月陰氣未作純陽用事日又太陽之精於正陽之月被食爲災故有救日食之法他月似無救理

尚書盾征季秋九月日食救之者上代之禮不與周同諸

侯用幣于社伐鼓于朝退自攻責若天子法則伐鼓于社

昭十七年昭子曰日食天子伐鼓于社是也

周禮地官鼓人疏

案賈說他月無救理本昭十七年傳其餘則否義鼓社是天子法今僭用之故左氏譏焉

凡天災有幣無牲解天災日月食大水也祈請而已不用牲

也 正義 天之見異 云云

日月食之示以戒懼人君初有水旱之災先須修德不當用牲故天災有幣無牲若水旱歷時禱而不止則當用牲故詩雲漢云靡麥斯牲又鄭注大祝云類造禫祭皆用牲攻說用幣而已攻說以是日月之災又暫時之事且不假用牲故也

案周禮大司徒疏與此說異禮記祭法正義

非日月之眚不鼓解眚猶災也月侵日爲眚陰陽逆順之事賢聖所重故特鼓之

正義此據日食爲說耳傳稱日月之眚

日月並言則月食亦有鼓周禮大僕職

云云

救日月則詔王鼓

周禮人

春秋不記救月食者但日食是陰侵陽臣侵君之象故記之月食是陽侵陰君侵臣之象非

逆事故略不記之也

又疏

日月之眚謂日月有蝕若目有翳

也

說文告字繫傳

乃城聚而處之

解聚晉邑

明年士蒞城絳以深其宮此時之絳都爲翼在翼城縣

山西

平陽府

而聚在今絳州絳縣東南十里有車箱城相傳爲晉

置羣公子之所是城絳城聚非一地亦非一時史記謂城

聚都之命曰絳始都絳混而一之誤矣

本詩唐譜正義

大事表七之三

莊廿六晉士蒞爲大司空解大司空卿官

傳見晉變周制僭王官

趙氏補注二

士蒞城絳以深其宮解絳晉所都也今平陽絳邑縣

成侯南徙居曲沃近平陽焉其孫穆侯又徙於絳云

詩唐譜

地理志云河東郡聞喜縣故曲沃也晉成侯自晉陽徙此則曲沃爲晉都矣至昭侯之時分曲沃以封桓叔則正都不在曲沃明昭侯已前已徙絳矣知穆侯徙者蓋相傳爲然地理志云河東絳縣晉武公自曲沃徙此者以桓叔別封曲沃武公旣并晉國徙就晉都故云自曲沃徙此耳非謂武公始都絳也然則穆侯以後晉恒都絳而隱五年左傳云曲沃莊伯伐翼又謂之爲翼者杜預云翼晉舊都在平陽絳邑縣東穆侯徙絳昭侯已下又徙於翼及武公并晉又都絳也莊二十六年左傳稱晉獻公命士蒼城絳以深其宮明是武公徙絳也又正義 餘詳駁證

冬十有二月癸亥朔日有食之

癸丑歲

今歷推之是歲十二月癸亥朔加時在晝交分十四日三

千五百五十一入食限

元史歷志二

莊世公會杞伯姬于洮解魯地

魯洮在山東曹州府濮州西南五十里

春秋興圓

洮有三莊二

十七年公會杞伯姬于洮是魯地僖三十一年自洮以南

東傳于濟是曹地昭元年宣汾洮晉地水名

春秋分記疆

理書十

王使召伯廖

解王卿士正義

召康公之封召也當在西都畿

內釋例曰扶風雍縣東南有召亭也春秋時召伯猶是召公

之後西都既已賜秦則東都別有召地不復知其所在

召氏或作邵姬姓召公食邑也杜預云扶風雍縣東南有

召亭雍今鳳翔天興此舊地也

今陝西鳳翔府鳳翔縣

東遷之後其

地在今王屋

通志氏族略三

在今絳州垣曲縣之召原寰宇記召

原在王屋山下

春秋地名
戎略一

通志氏族略三
大戎在唐叔子孫別在戎狄者

大戎在今陝西延安府境

大事表五

小戎允姓之戎

案孔疏此卽瓜州之允姓戎也子爵後遷於中國爲陸渾之戎僖二十二又曰陰戎昭九又曰九州之戎昭十二此時不知其所居瓜州今陝西肅州西五百二十六里有瓜州城蓋距

中國遠矣案昭九年杜解瓜州今敦煌敦煌廢縣在今肅州西八百六里則更遠矣肅州今入甘肅省

晉與爲昏姻必不踰越荒徼是知戎之部族早有內徙者特不能明其處耳後漢志云允姓戎居渭汭容或有之

案渭

汭在陝西同州府華陰縣東北
五十里春秋地名攷略十三

晉伐驪戎解驪戎在京兆新豐縣

驪戎西戎之別在驪山者也

國語晉一注今陝西安府臨潼

縣東二十四里有驪戎城

大事表五

蒲與二屈解蒲今平陽蒲子縣二屈今平陽北屈縣或云二

當爲北

蒲今山西隰州東北有蒲子故城

日講春秋解義十三

河東郡北

屈漢書地理志上應劭曰有南故稱北臣瓚曰汲郡古文翟章救

鄭次于南屈又注二屈有南北也今河東有北屈則是時復

有南屈也晉語一注今山西吉州東北二十一里有北屈廢縣

案吉州今屬平陽府

大事表七之三

宗邑無主則民不威疆場無主則敵戎心

威畏也啟開也開戎侵盜之心也晉南有陸渾之戎蒲接之北有山戎二屈接之

晉語一注

使俱曰狄之廣莫於晉爲都解廣莫狄地之曠絕也卽謂蒲與北屈也言遣二公子出都之

使俱者使二五同聲也廣莫北狄沙漠也下邑曰都使如

爲晉下邑也

晉語一注

楚令尹子元解文王弟

子元楚武王子文王弟王子善也

國語上注

而振萬焉解萬舞也

何休釋公羊萬舞之說以爲象武王以萬人伐紂

宣孔安八

國釋書以舞干羽爲文舞失之矣商頌曰萬舞有奕則萬舞豈始武王哉左傳曰楚令尹子元振萬文夫人曰先君以是舞也習戎備則萬爲武舞可知矣然非始於武王禮曰朱干玉戚冕而舞大武蓋周之興也功莫大於武功樂莫重於武舞而魯有之康周公故也世衰禮廢魯不特用於周公之廟而羣廟亦用焉故子家駒譏之昭二十五年公羊傳不特用於魯之羣廟而諸侯之廟亦用焉故郊特牲譏之朱設錫而舞大武諸侯之僭禮也以至八佾作於季氏之庭萬舞振於文夫人之側則先王之樂掃地可知矣禮書百二十九

而於未亡人之側解婦人旣寘自稱未亡人

初則判合終成一體是以寡妻之號稱未亡人言其事體

先亡遺餘半在爾

公羊宣元年傳疏

入于桔株之門解鄭遠郊之門也正義此已入一門矣又云入自純門又是入一門矣復言縣門不發則更有一門矣不發是內城門則知純門外郭門桔株遠郊門也

哀二十七年晉知伯伐鄭入南里門于桔株之門則此兩重門皆當在南所云內城門當係皇門矣

見宣四年傳事表七之二

闢班

闢班氏莘姓世本若敖生闢彊闢彊生班臣謹案世本世系及名氏多與春秋公子譜不同譜中自無闢彊雖有闢般又闢穀於菟之子若敖之曾孫也

見宣四年傳通志氏族略五

案

三十年正義引杜譜以爲闢射師若敖子闢班若敖孫射

師傳不言其名正義曰杜此注與譜並以射師與鬪廉爲一人不知何據

鬪廉見桓九年

程氏世譜從之以爲廉生申公班

愚疑卽鬪彊居射師之官彊爲子元所執故其子申公鬪

班殺子元班與般雖同出若敖非是一人漢書敘傳曰穀

於擇字子文楚人謂虎班

案以虎有班文故名
隸釋皆以班爲班

其子以爲

號師古注云子文之子鬪班亦爲楚令尹蓋班般字通後

人遂混爲一非也或云鬪彊卽鬪御彊未知是否

殿解在後爲反禦

軍行在後曰殿取其鎮重之義

詩采菽正義

衆車入自純門及達市解純門鄭外郭門也達市郭內道上

市

釋宮云九達謂之達郭璞云四道交出復有旁通者左傳
楚伐鄭入自純門及達市杜預云達並九軌宣十
二年案周禮考工記不名曰達杜意蓋以鄭之城內不應有九
經涂九軌正義出之道故以爲並九軌於爾雅則不合也詩兔罝

縣門不發解縣門施於內城門鄭示楚以閒暇故不閉城門
襄二十六年楚子門于師之梁縣門發可見鄭講守禦之
法疑每門皆設縣門外此唯逼陽有縣門蓋卽俗所謂牕
門也孔穎達氏云編版廣長如門施闢機以縣門上有寇
則發機而下之是也襄十年正義
嚴琪擷左隨筆案墨子備城門篇
亦有爲縣門之法

鄭人將奔桐丘解許昌縣東北有桐丘城

今扶溝縣西二十里有桐丘亭

河南陳州府治卽

此哀二十七年

晉荀瑤伐鄭次于桐丘

春秋地名略六

謀解間也

周禮環人搏謀賊注云反閒爲國賊郭璞曰諜今之細作

也

案見爾雅釋言注宣八年釋文本之

惠氏補注一

臧孫辰告糴于齊禮也

國語云臧孫辰以鬯圭者是告糴之物

案魯語尚有玉磬服注云

無庭實也

儀禮聘禮疏

周書糴匡解大荒君親巡方卿參告糴

故外傳臧文仲曰國有饑饉卿出告糴古之制也凡稱禮

皆周制也惠氏補注一案沈氏小疏云周禮大司徒職

內荒則令賈委之不聞有告糴之禮外傳稱爲古制其始於西周之衰乎周書糴匡解蓋亦記衰周之制

纂鄙解魯下邑

京相璠曰公羊傳謂之微東平壽張縣西北三十里有故
微鄉魯邑也杜預曰有微子冢水經注在今兗州府壽張
縣東南五十里大事表七之一案土地名云郿闕水經注所引
杜語見土地名小國內僖六年微下

邑曰纂都曰城

城是纂之別名春秋別大小之例故城纂異文散則城纂

通詩出車正義

莊廿九新作延廢

延廢云者廢之名也或曰新其舊而又延廣之

家鉉翁春秋詳說七

城諸解諸魯邑今城陽諸縣

魯諸在山東青州府諸城縣西南三十里

春秋
輿圖

水昏正而栽日至而畢解謂今十月定星昏而中於是樹板幹而興作日南至微陽始動故土功息

凡土功水昏正而栽日至而畢則冬至以前皆爲土功之時箋言定星中小雪時舉其常期耳非謂作其楚宮卽當十月也如此則小雪以後方興土功而禮記云君子旣蜡不興功者郊特牲謂不復興農功而非土功也月令仲秋云

是月也可以築城郭建都邑者秦法與周異仲冬云命有司曰土事無作亦與左傳同然則左傳所云乃是正禮而召誥於三月之下營洛邑之事於周之三月起土功不依禮之當時者鄭志荅趙商云傳所言者傳謂左傳謂庸時也周

召之作洛邑因欲觀衆殷樂之與否則由欲觀民之意故不依常時也

詩定之方
中正義

樊皮解周大夫樊其采地皮名

樊氏姬姓周太王之子虞仲支孫仲山甫爲周宣王卿士食采於樊曰樊侯因邑命氏其地一名陽樊今河南濟源東南三十八里皮城是也以樊皮居之故名

通志氏族略三

樊皮字仲文

案樊地見隱十一年
氏族略四

莊則執而梏之解足曰桎手曰梏正義周禮掌囚上罪梏萃而桎中罪桎梏下罪梏梏萃其文萃施於手知梏亦手也鄭玄亦云在手曰梏在足曰桎是先儒同此說也

鄭司農云萃者兩手共一木也桎梏者兩手各一木也玄

謂在手曰楨在足曰桎

周禮秋官掌四注

以桎與楨同在手則不

可故後鄭不從此無正文直以先言楨後言桎故知義然

疏又張揖云參著曰楨偏著曰桎案一切經音義引蒼頭篇同

說文云楨

手械也所以告天桎足械也所以質地

周禮釋文

案韋昭從

先鄭義

周禮釋文

漢書師古注用後鄭說

刑法志

而張揖又與兩

家別襄六年傳以弓楨華弱于朝則在手無疑山海經云

帝乃楨之疏屬之山桎其右足

海內西經

呂氏春秋士容論桎

其後足據此當從後鄭爲是

九月庚午朔日有食之

丁巳歲

今歷推之是歲十月庚午朔加時在晝去交分十四日四千六百九十六入食限失閏也大衍同

元史歷二

謀山戎也解山戎北狄

服虔曰山戎北狄蓋今鮮卑也

案齊語韋注本此

何休曰山戎者

戎中之別名也

史記齊世家集解

隱九年北戎侵鄭桓六年北戎

伐齊僖十年齊侯許男伐北戎皆此戎也國語曰北伐山

戎

案僖九年有此文

春秋地名攷略十三山戎一曰北戎一曰無終三名一

地也襄四年杜注無終山戎國名

六事表九

以其病燕故也解燕國今薊縣

襄廿八年正義

譜云北燕姬姓召公奭之後也

云云

北燕伯爵史記作侯國于薊今直隸順天府大興縣是

大事

五表

遇于梁丘解在高平昌邑縣西南

莊卅二

宋梁丘在今山東曹州府城武縣東北三十里有梁丘山
山南有梁丘城與兗州府金鄉縣接界

大事表
七之二

有神降于莘解有神聲以接人莘號地正義吳孫權時有神
自稱王表言語與人無異而形不可見今此神降于莘蓋亦
王表之類

太元元年夏五月改年初臨海羅陽縣有神自稱王表周
旋民間語言飲食與人無異然不見其形又有一婢名紡
績是月遣中書郎李崇齋輔國將軍羅陽王印綬迎表表
隨崇俱出與崇及所在郡守令長談論崇等無以易所歷
山川輒遺婢與其神相聞秋七月崇與表至櫜於蒼龍門
外爲立第舍數使近臣齋酒食往表說水旱小事往往有

驗

三國志吳主權志

莘今陝州

河南

硖石鎮西十五里莘原是也

春秋

地名攷略十二案裴松之注引孫盛以爲權僞設符命求福妖邪將亡之兆迹其昏惑頗類號事故孔氏援以爲證因備

錄之太平寰宇記九十九卷載溫州瑞安縣有王表祠俗

尚淫祀至宋猶存異哉

神賜之土田史嚚曰號其亡乎

賜爾土田言將以庶人受土田也諸侯夢得土田爲失國

祥漢書五行志中之上

號多涼德解涼薄也

又見昭四年傳

涼者薄之別名

詩桑柔正義

說文曰爾雅穀薄也从瓦京聲

案注

臣鉉等曰今俗隸書作亮力聲切廣雅曰穀薄也曹憲曰良音世人作穀

禱之寇水傷著京失之矣禱卽薄字郭忠恕汗簡云寇力向切見古爾雅

惠氏補注五
案惠氏此條列昭四年下

案今爾雅無寇薄

也文若依隸作亮釋詁惟有亮信也亮導也此疑是佚文

詩大明釋文涼彼本亦作諒同力尚反佐也韓詩作亮云相也又桑柔釋文職涼毛音良薄也鄭音亮信也涼旣通

亮則音可兩讀故廣韻云涼力讓切薄也又呂張切寇亦

通涼

見集韻

音得兩讀

廣韻糙呂張切
薄也又力尚切

而隋曹憲博雅音釋

祇出良音且以水傷著京爲失攷說文水部涼薄也从水京聲

呂張
切

曹氏竟未檢及疏繆甚矣

公築臺臨黨氏

解黨氏魯大夫

莊公臺在曲阜縣東北八里

讀史方輿紀要三十二
切

賈逵曰黨氏魯

大夫任姓
史記魯世家集解案襄二十九年有黨叔是其後也索隱以任爲孟女之字非姓誤已

從之閔

閔不從公

閔謂閉戶拒公

詩閔宮正義

割臂盟公

服虔曰割其臂以與公盟
史記魯世家集解盟者人君用牛此謂大事正禮所當用者耳若臨時假用其禮者不必有牲故左傳孟任割臂以盟莊公華元入楚師登子反之牀子反懼而與之盟宣十五斯正義皆無牲也

圉人犧

公羊作鄧扈樂案何休於公羊宣十二年傳廩役扈養下

注云養馬者曰扈是扈與左氏圉人同義鄧當是其氏爾

盧文弨錄
山札記二

案抱朴子疾謬篇云扈肇之變可證

能投蓋于稷門解魯南城門

魯城正南曰稷門亦謂之南門僖二十年新作南門注曰本名稷門僖公更高大之改名高門定十年齊人陳女樂文馬於魯城南高門外卽此矣春秋地名
攷略二建國右社稷疑此門近之猶雩門以雩壇得名見十年傳
嚴氏續左隨筆

待于鍼巫氏解魯大夫

案此以技術傳家因以爲氏魯有巫尪又有鍼巫氏通志
氏族
略四案下卽云鍼季則鍼其氏巫其職或其名如楚
巫臣氏者家也本宣十一
年正義季乃其字鄭漁仲說恐非

使鍼季酈之正義晉諸公讚云鳩鳥食蝮以羽翮櫟酒水中飲之則殺人舊制鳩不得渡江有重法石崇爲南中郎得鳩以與王愷養之大如鷺喙長尺餘純食蛇虺司隸傅祗於愷家得此鳥奏之宣示百官燒於都街

崇在南中得鳩鳥雛以與後軍將軍王愷時制鳩鳥不得過江爲司隸校尉傅祗所糾詔原之燒鳩於都街

晉書石崇傳

案此事王愷傅祗傳俱不載略見於此文選注及太平御覽嘗引傅暢晉諸公讚據晉書暢卽祗之子故言之特詳

歸及達泉解魯地

寰宇記云達泉在曲阜東南十里源出平澤合沙溝其流

數里以入於沂名曰達泉溝一名連泉今縣南五里有達

泉

春秋地名
攷略二

公薨于路寢

解正寢也

諸侯三寢一正者曰路寢餘二日小寢卒歸於正故在路寢也莊三十二年公羊傳何休注云天子諸侯皆有三寢一曰高寢二曰路寢三曰小寢孫從王父之寢案周禮掌王之六寢之脩何休云天子三寢與周禮違不可用禮記正義周官宮人掌王之六寢之脩女御掌御序于王之燕寢大僕掌建路鼓于大寢之門外春秋書莊公薨于路寢僖公薨于小寢書西宮僖二十一公羊曰路寢正寢也西宮小寢也有西宮則有東宮知諸侯有三宮也玉藻曰君日

出視朝退適路寢聽政大夫退然後適小寢釋服左傳曰

齊人遷莊公殯于大寢

襄二十八

宋大尹盟于少寢之庭

哀二十六

蓋王六寢后六宮

周禮內宰以陰禮敎六宮又曰王后師六宮之人昏義曰古者天子后六宮

諸侯三寢夫人三宮

祭義曰諸侯卜三宮之夫人穀梁王桓十四年傳曰甸粟而納之三宮

大寢一小寢五諸侯大寢一小寢二大寢謂之路寢

又謂之正寢小寢謂之燕寢又謂之少寢

案又謂之側室周禮

襄路寢一燕寢一側室

內則所云者是也

先儒謂王小寢五而一寢在中四

寢於四角春居東北夏居東南秋居西南冬居西北士王

之月居中

本淮南子時則訓

后之六宮亦正宮在前五宮在後諸

侯小寢二而東西建焉春夏居東寢秋冬居西寢

案西宮卽西寢

夫人三宮亦正宮在前

案成十八年宮之朝是也

二宮在後

案襄九年穆姜

薨於東宮姜辟正寢徙居東宮
疑卽夫人之東寢也詳僖八年

燕寢居後其妻二寢亦如之理或然也諸侯三宮而有東
宮西宮則正寢在中可知退適小寢則小寢在後可知魯

定公之時有高寢

見定十五年經

蓋變亂禮法而名其寢耳

案杜氏范

氏皆以高寢爲宮名楊士勛疏云高者大名嫌是路寢之流故發傳明之

何休曰諸侯三寢一

曰高寢二曰路寢三曰小寢妾也

案莊三十二年公羊傳疏雖不駁

何氏但云皆

時王之禮亦以其顯背禮經也定十五年公薨于高寢左氏公羊並無義故何氏爲此說穀梁曰高寢非正也明其不與路寢同矣

次于黨氏解次舍也

未至公宮止於舅氏

史記魯世家正義

成季奔陳

服虔曰季友內知慶父之情力不能誅故避其難先奔

史記

魯世家
集解

補釋三